

Romanos

Pablo Roma cĵenare Jesu yequinare oĵoa oĵoahye

1 ¹Yũhũ Pablo mũsare Roma cĵanare oĵoa oĵoaja. Yũhũ Cohãcĵũ cahacĵũ iĵiaja. Sa yero quehnoañe buheyere buhe dutiro yũhũre cũri tiquiro. ²Ti buheyere quehnoañe buheyere panopũ Cohãcĵũ “Yahugũ tũũ niaja”, nie tiahye. Tiquiro sa ni yahuriro sahata tiquiro yere yahu mũhtariquinare panopũ cĵenare tiquiro yahuatire tiquiro ya pũpũ oĵoa dutiahye. ³Ti buheyeta tiquiro macũnore yahuye iĵire. Tiquiro masũno waro iĵiro taro Davi mũnano panamino iĵi turiariquiro iĵiahye tiquiro. ⁴Jesucristo mari pũhtoro Cohãcĵũ macũno ñaÑe marieniquiro tiquiro iĵiyere ohõ saha ihũoahye Cohãcĵũ. Tiquiro yariari bato Cohãcĵũ tutuaye mehna tiquirore masa wijiagũ yeahye. Sa yero Jesucristo potota Cohãcĵũ macũno tiquiro iĵiyere ihũoahye Cohãcĵũ masare. ⁵Tiquirota ũsãre paja ihũano ũsãre tiquiro yere buhe dutiro ohori iĵipihtiyequina Jesucristore wacũ tutua tiquina ño peoatire. ⁶Sa yero mũsa gũhũre Jesucristo yequina iĵianare beseahye tiquiro. ⁷Mũsare, Cohãcĵũ cahĩnare, Roma cĵanare, tiquiro yequina iĵianare yeri mũsare tiquiro. Mũsare iĵipihtinare ahri pũre oĵoa oĵoaja. Sa yegu Cohãcĵũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano iĵiya mũsa.

Pablo Romapũre ihũano waha duaro nimahye

⁸Ahrire yahu mũhtaũtja mũsare: Iĵipihtiye macari cĵena Jesucristore mũsa wacũ tutuarire masa yahuri yũhũre. Tiquina sa ni yahugũ tuhogũ “Quehnoare”, niaja Cohãcĵũre. Jesucristo yedohoro mehna sa ni sini basaja. Cohãcĵũre sini basagũ mũsare sa sini basaducujaja. ⁹Yũhũre tiquiro dutigũ tiquiro macũno ye buheyere quehnoañe buheyere tutuaro buhegũ tiquiro cahacĵũta iĵiaja yũhũ. Sa yero mũsare Cohãcĵũre yũhũ sa sini basaducugũ tiquiro masine. ¹⁰Sa sini basagũ Cohãcĵũ cahmegũ yojopũ pũritare mũsa cahapũ yũhũ ihũaũ wahatore siniaja. Yoari pje mũsare ihũa duagũ yũhũ wahatire cohteĩ ye cãmaja yũhũ. ¹¹Cohãcĵũ yere mũsare buhe duaja Jesure mũsa wacũ tutua nemoatire. Sa yegu mũsare tutuaro ihũa duaja yũhũ. ¹²Jesure wacũ tutuaja mari. Sa yegu mũsare ihũa duaja Jesure mari wacũ tutuaye mehna pũa peheri mari cahme bucuegũ yeatore.

¹³Yũhũ acaye, ahrire m̄sa masigũ cahmeaja. Quehnoañe buheyere yũhũ buheri bato apequina m̄sa acaye judio masa ijieyequina Jesure wacũ tutuari. Sa yegũ peye tahari m̄sa cahapũ waha duami apequina Jesure tiquina wacũ tutuariro sahata m̄sa mehna cjẽna gũhũ tiquina wacũ tutuatire. Sa waha duepegũta waha masiedũ yũhũ. ¹⁴Ijipihtiyequinare quehnoañe buheyere buhero ijiro nine yũhũre. Pecasãre, pohteri cjẽ gũhũre, masieñequinare, masieñequina gũhũre buheacjũ ijiita niaja yũhũ. ¹⁵Sa buheacjũ ijigũ m̄sare Roma cjãnare quehnoañe buheyere tutuaro buhe duaja.

Quehnoañe buheyere masa tũhoye Jesure wacũ tutua dũcare

¹⁶Quehnoañe buheyere tũhoye Jesure wacũ tutua dũcare masa. Sa yero ijipihtiyequinare Jesure wacũ tutuayequinare Cohãcjũ tutuaye mehna pecapũ wahaboriquinare yũhdũore. Tiquina sa yũhdũgũ masigũ ti buheyere quehnoañe buheyere buhegũ bũoro yũhdũeraja. Ti buheyere judio masa pehere buhe m̄htari jiri Jesu gũhũ. Tiquina buheri bato judio masa ijieyequina gũhũre ãsã buhei. ¹⁷Ti buhoye ohõ saha ni yahure: Jesure wacũ tutuayequinare “Quehnoañequina ijire”, ni, ihñare Cohãcjũ. Tiquirore wacũ tutua dũcayequinare sata ni ihñare Cohãcjũ. Tiquiro sa ni ihñari bato tiquirore wacũ tutuaducure tiquina. Ahri panopũ tiquina ni ojoariro sahata ijire: “‘Quehnoañequina ijire’, tiquiro ni ihñañequina Cohãcjũre wacũ tutuayequinata ijire. Sa wacũ tutuaye, ijipihtiye decori Cohãcjũ mehna sa ijiduceta”, ni, ojoahye.

Masa tiquina ñañe yeri buhirire yahuahye Pablo

¹⁸Cohãcjũ ãhmũsepeũ ijiriquirore masa tiquina yũhdũdũcarire, tiquina ñañe yeri gũhũre ihñano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñañe yeye mehna apequinare quehnoañe buheyere tũhoeragũ yere tiquina pehe. ¹⁹Tiquiro basi tiquiro ijieye tiyere masigũ yeahye Cohãcjũ. Tiquiro sa yegũ Cohãcjũre masigũ mijoadare masare. ²⁰Cohãcjũ ãhmũse cjũno tiquiro ijiyere, tutuariquiro tiquiro ijieye gũhũre mari ihñedapegũta tiquiro basi tiquiro ijiyere marine masigũ yere tiquiro. Ahri yehpare tiquiro bajumehnedi bato ijipihtiye tiquiro bajumehnedire ihñañe “Cohãcjũ tiquiro yeri ijire ahri”, niñe, Cohãcjũ tiquiro ijieye tiyere masine masa. Sa ye masa Cohãcjũre masiepetata sa ñañene yeducuye, buhiri tire. “Mũhũre masiedũ. Sa yegũ ñañene yei”, ni masi Cohãcjũre. ²¹Sa ye Cohãcjũ tiquiro ijieye tiyere masiepetata tiquina tiquirore ño peoerare. Sa ye tiquinare tiquiro quehnoano yepegũta tiquina pehe “Quehnoare”, niedare tiquirore. Sa tũho masieñequina ijieye, ñañe dihitarẽ tũhoture tiquina. ²²“Tũho masina ijiaja”, niepetata tũho masieñequina wahare tiquina. ²³Sa wahaye Cohãcjũre sa ijiducuriquirore tiquina ño peoerare. Sa ño peoeraye, “Cohãcjũ ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegũta Cohãcjũre ño peoyequina pehe masa queoyere yere tiquina. Tiquina sa yeri bato ti queoye pehere ño peore

tiquina. Sa ye tja minicjua queoyere, pinoa queoyere, wahiquina queoye gũhure “Cohãcjũ ijire”, ni ño peo maca cãhre tiquina.

²⁴Tiquina sa yegũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Tiquiro sa cohãri bato tiquina ña yũhdũaro cahme yeducure tiquina basi. ²⁵Sa ye Cohãcjũ ye pehere cahmedaye, ni mehoñe pehere quehnoano tuhore tiquina. Cohãcjũ ye pehere ni mehoñe yero saha ijigũ yere tiquina. Potota Cohãcjũ warore ijipihtiyere yeriquirore ño peoducuro cahmene. Sata ijiahro. Tiquina pehe tiquiroro ño peorare. Sa tiquiroro ño peoraye, Cohãcjũ yeri pehere ño peore tiquina. Sata ijiahro.

²⁶Tiquina sa yeducugũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Sa ye tiquina mehna cjẽna numia manũ tiyequina numia yero saha ijierare. Sa ye tiquina numia, numia sehsharo ñano yere tiquina pagũri mehna. ²⁷Tiquina yero saha ijieyequina umãa gũhũ tiquina esa tuharo ña yũhdũaro yere tiquina pagũri mehna. Sa ye tiquina basita ñano yeri buhiri tiquina pagũri pehe ñano yũhdũre.

²⁸Sa Cohãcjũre tiquina cahmedari buhiri, Cohãcjũ tiquinare cohãri. Tiquiro sa cohãgũ tiquina pehe ñano wacũducu, ñano yeducure. ²⁹Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cuogũ ihña cooducuyequina, masare wejẽñequina, cahme dũse tini wiayequina, ni mehoñequina, masare ihña tuhtieyequina, ñañe quiti dahreyequina, ³⁰apequina tiquina yerapegũta ñano ni yahu wajayequina, Cohãcjũre ihña tuhtieyequina, apequinare purĩno yũhtieyequina, “Usã pehe masi yũhdũducaja”, ni tuhotuyequina, apequinare sa ni yahuyequina, apeye ñañene ye dũcayequina, tiquina pacũsumũare yũhtieyequina, ³¹tũho masieñequina, tiquina nino sahata yeeyequina, masare ne cahieñequina, tiquina basi cahme pihopũri duhueyequina, ne paja ihñeñequina ijire tiquina. ³²Sa ñano yeducuyequinare Cohãcjũ pecapũ cohãnota. Tiquiro sa cohãtire masiepetata tiquina ti ñañene sa yeducure. Sa ye apequina tiquinare ihña cũ tiquina yero saha ñano tiquina yegũ ihñañe, “Usã yero saha yere”, ni bucuere.

Masare buhiri dahre dutiro tire mehono marieno potota yerota Cohãcjũ

2 ¹“Tiquina ña yũhdũayequina ijire”, ni yahu wajaeracãhña apequinare. Musa gũhũ tiquina yero saha yere. “Ñañene yeraja. Sa yena ñañe buhiri mariedaga”, ni masiedare mũa. Sa yena ijina tiquinare yahu wajana ijina, mũa basi buhiri dahre dutina niaga. ²Sa yena ñañe yena ijiepenata mũa yahu wajagũ mũa gũhũre Cohãcjũ buhiri dahrerota. Potota queoro tiquiro buhiri dahregũ masiaja mari. ³Apequinare “Buhiri tieta”, ni yahu wajana mũa ijigũ mũa gũhũre buhiri dahrerota. Sa yena “Usãre buhiri dahresi”, ni tuhotuboaga mũa. Ijierare. Mũa gũhũre buhiri dahrerota tiquiro. ⁴Mũa ñano yepegũta Cohãcjũ mũsare paja ihñano duita buhiri dahrerare. Sa yena “Cohãcjũ yũhũ mehna usuasi”, ni tuhotuboaga mũa. Ijierare. Cohãcjũ mũsare paja ihñano, duita buhiri dahrerare

musa ñañene bujua witigũ ihña duaro, tiquirore musa yuhtigũ cahmeno. ⁵Sa buhiri dahre dueraperota musa Cohãcjũre yuhti dueragũ, musa ñañe yerire bujua witieragũ, buhiri dahrerota musare. Buhiri dahreri deco pano musare tiquiro buhiri dahreboriro yuhduoro ti deco waropure ñano musare buhiri dahrerota Cohãcjũ. Ni mehono marieno buhiri dahrerota. ⁶Sa yero ijipihtiyequinare tiquina ñano yeri buhiri buhiri dahrerota Cohãcjũ. Sa yero quehnoañene tiquina yeri wapa quehnoano yerota masare. ⁷Ihquẽquina quehnoañene yeducuyequina ijire. Tiquina quehnoañene ye duayequina, Cohãcjũre quehnoano bucuẽgũ ye duayequina, ijipihtiye decori Cohãcjũ mehna iji duayequina ijire. Tiquina pũritare decoripe tiquiro mehna ijigũ yerota Cohãcjũ. ⁸Apequina pehe tiquina yero saha ijierare. Tiquina esa tuharo yeyequina ijire. Cohãcjũ yere cahmedare. Tiquina mehna Cohãcjũ tutuaro usuarota. ⁹Ijipihtiyequinana ñano yeriquina ñano yuhdueta. Judio masare sata waha muhtanota. Sa ye judio masa ijieyequina gũhũre sata waharota. ¹⁰Ijipihtiyequinana quehnoañene yeyequina pehere Cohãcjũ “Quehnoare”, ninota. Sa ye masa tiquinare ño peota. Sa yero tiquinare quehnoano ijigũ yerota Cohãcjũ. Judio masare sata waha muhtanota. Sa ye judio masa ijieyequina gũhũre sata waharota.

¹¹Cohãcjũ mari yerire ihñano queoro besere ijipihinare, ñana, quehnoana gũhũre. ¹²Apequina Cohãcjũ Moisere tiquiro dutirire masieñequina tiquina ijiepegũta ñañene tiquina yegũ, buhiri dahrerota Cohãcjũ tiquina gũhũre. Sa yero ti dutiyere cuoyequina ñañene tiquina yegũ ti dutiyere tiquina yuhduucari buhiri buhiri dahrerota Cohãcjũ. ¹³Cohãcjũ dutiyere tuhoepeta yuhtieyequinare “Quehnoañequina ijire ahriquina”, niedare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ. ¹⁴Judio masa ijieyequina Cohãcjũ Moisere tiquiro cũri dutiye cuoerapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moisere tiquiro dutiyere ojoari pũre cuoerapeta tiquina tuhotuyepũ tiquiro ye dutiyere cuore. ¹⁵Sa ye tiquiro ye dutiyere tiquina tuhotuyepũ potota cuore tiquina. Sa cuoye ñañene yeye, duita tiquina ñañe yerire masine tiquina. Sa yero ñañene yeriquiro “¿Dũhse ijiro boro ñañene yeri yuhũ?” ni tuhoture tiquiro. Sa yero quehnoañene tiquiro basi yeri gũhũre masine tiquiro. ¹⁶Sa ye Cohãcjũ Jesucristore tiquiro ohoati decopũ masa tiquina yahu duerarire Jesucristo masi pehoru, tiquiro tiquinare beserota quehnoañequina, ñañequina gũhũre. Sata tiquina yerire masidiquiro ijiro, beserota tiquiro quehnoañe buheye ti nino sahata. Ti buheyeta ijire musare yuhũ buheri.

Cohãcjũ Moisere tiquiro dutirire yahuahye Pablo

¹⁷Musa pehe judio masa ijina, Cohãcjũ Moisere tiquiro dutiyere ño peona ijina, “Cohãcjũ yequina ijiaja”, ni tuhotumene musa. ¹⁸Sa yena Cohãcjũ dutiyere masina ijina, tiquiro cahmeñene masine musa. Sa masina ijina, “Quehnoañene usã yeatire bese masiaja usã”, ni tuhotumene musa. ¹⁹Sa ni tuhotuna ohõ saha ni tuhotu nemore musa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masiedaboaga tiquina. Sa ye

ñañene duhueraboaga”, ni tūhotumene mūsa. ²⁰Sa yena “Tūho masieñequinare quehnoañene ye dutina, macanagā gūhūre buhena ijiaja ūsā”, ni tūhotumene mūsa. Sa yena “Cohācǵū dutiyere cūona, poto ijiyere masi pehoaja ūsā”, ni tūhotumene mūsa. ²¹¿Sa yena apequinare buhena ijiepenata, dūhse yena mūsa pehe mūsa buheriro saha yerajari? ¿Apequinare yaque dutierapenata dūhsena mūsa pehe yaqueajari? ²²¿Apequiro namono mehna ñano ye dutierapenata dūhsena mūsa pehe apequiro namono mehna ñano yeajari? “Cohācǵū ijire”, tiquina niñe queoyere ihña yabina ijire mūsa. Sa ihña yabina ijina Cohācǵū waro pehere ño peona ijimene mūsa. ¿Sa ño peona ijiepenata dūhsena tiquiore quehnoano ño peerajari mūsa? ²³“Cohācǵū Moiserere tiquiore dutiyere cūoaja ūsā”, nina ijiepenata ti dutiyere yūhdūdūcare mūsa. Sa yūhdūdūcana Cohācǵūre ño peeragū yena niaga mūsa apequinare. ²⁴Sata nine Cohācǵū yere tiquina ojoari pūpū: “Cohācǵū dutiyere mūsa yūhdūdūcari buhiri judio masa ijieyequina pehere Cohācǵūre tiquina ñano yahuducugū yere mūsa judio masa”, ni ojoahye Cohācǵū yere tiquina ojoari pūpū.

²⁵“Cohācǵū yequina ijiaja”, ni tūhoture ihquēquina judio masa cuhñucunū sohtoa cahserogāre yūhre nenohriquina. Cohācǵū yere tiquina yegū judio masa tiquina ijigū quehnoarīne. Tiquiro yere tiquina yeragū judio masa tiquina ijieye tiye dūhseati ijierare. Yūhre nenohriquina tiquina ijieye tiye gūhū dūhseati ijierare. ²⁶Sa yero judio masa ijieyequina cuhñucunū sohtoa cahserogāre yūhre nemehneñequina tiquina ijiepegūta, Cohācǵū dutiyere tiquina yegū ihñano “Yeequina masata ijire”, ni ihñare Cohācǵū tiquinare. Judio masa pehere tiquiore sa ni ihñaboriro sahata judio masa ijieyequina pehere sa ni ihñare. ²⁷Peyequina judio masa Cohācǵū Moiserere tiquiore dutiyere cūoepeta tire yerare tiquina. Sa ye apequina judio masa ijieyequina pehe cuhñucunū sohtoa cahserogāre yūhremehneñequina ijiepetata tiquiore dutiyere yere. Sa yeyequina ijieye judio masa tiquina ñano yerire masigū yeye nine. ²⁸Yojopāre judio masūno waro tiquiore ijieye yahutja mū sare. Tiquiro cuhñucunū sohtoa cahserogāre yūhre nenohriquiore ijieperota Cohācǵūre ño peeraro, potota judio masūno waro ijierare. ²⁹Cohācǵū yaquiro Espīritu Santore cūoriquiro tiquiore yūhtiriquiro tiquiore tjiere judio masūno waro. Sa yero tiquiore cuhñucunū sohtoa cahserogāre tiquiore yūhre ne cohāriro sahata tiquiore ñañe yerire duhure tiquiore. Tiquiro esa tuhoro dutiyere yeriquiro ijieraperota Espīritu Santo yedohoye mehna tiquiore ñañe yerire duhure. Sa ijiriquirore “Quehnoariquiore ijire”, ni ihñare Cohācǵū pehe. Masa pehe tiquiore tiquina sa niedapegūta, sa nine Cohācǵū pehe.

3 ¹¿Yūhū sa nigū judio masa ijieye tiye ihyo waro ijiajari, mūsa tūhotugū? Ne ihyo waro ijieye niedare. ¿Cohācǵū judio masare tiquiore dutiriro sahata tiquina pagūrire cuhñucunū sohtoa cahserogāre tiquina yūhre ne cohāñe ihyo waro ijiajari, mūsa tūhotugū? Ne ihyo waro ijieye niedare. ²Judio masa tiquina ijieye tiye ihyo waro ijierare. Cohācǵū yere tiquina ojoari pūre judio masare cū mūhtahye. Sa ye judio masa tiquina ijigū quehnoarīne tiquinare. ³Sa ye ihquēquina judio masa Cohācǵūre tiquina tūhoerapegūta tiquiore nidi ijirota ijieye.

Sa yero tiquiro ni cūriro sahata yerota tiquiro. ⁴Sata ijire. Ijipihtiyequina masa ni mehoñequina tiquina ijiepegūta Cohācjū pehe ne ni mehoedare. Panopꝛ tiquiro yere yahu mūhtariquiro tiquiro ni ojoariro sahata ne ni mehoedare Cohācjū.

Poto nigꝛ ijire mūhꝛ Cohācjū. Sa ye mūhꝛe masa ne “Queoro yahuducuerare”, ni yahusā masiedare, ni ojoahye panopꝛe.

⁵Ohō saha ni tūhotuboaga masa: “Mari ñañene yena Cohācjū quehnoañene tiquiro yeriquiro ijigū masigū yeaja. Sa yero ñañene mari yegū quehnoarīne. ¿Tī sa quehnoañe ijiepegūta dūhsero tiquiro mari ñañene yeri buhirire buhiri dahre maca cjāri?” ni tūhotuboaga masa. Masa tiquina tūhotuboriro saha nigꝛ niaja yūhꝛ. ⁶Sa ijierare. Mari ñañe yeri pehe quehnoañe ijigū Cohācjū mari ñañene yeri buhirire buhiri dahre masiedaboaga.

⁷Masa pehe ni mehoñequina ijire. Cohācjū pehe ne ni mehoedare. Sa yena masa tiquina ni mehogū ihñana Cohācjū pehe ne ni mehoeniquiro tiquiro ijigū quehnoano ihña masiaja mari. Sa ye masa ni mehoñe, Cohācjū tiquiro ni mehoeniquiro tiquiro ijiyere ihñoñe niboaga tiquina. Sata ni tūhotumene ihquēquina. Sa ni tūhotuye ohō saha ni tūhotu nemomene tiquina: “Usā ni mehoñe mehna Cohācjū tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usā ni mehoñe quehnoarīne. ¿Usā ni mehoñe quehnoañe ijiepegūta dūhse ijiro boro usā ni mehorī buhirire usāre buhiri dahre maca cāboari Cohācjū?” ni tūhotumene ihquēquina masa. ⁸Sa ye ohō saha ni mehore ihquēquina usāre: “Ñano yena Cohācjū tiquiro quehnoariquiro ijigū ihñona niaga. Sa yena ñano yeihna’, nidi Pablo gūhꝛ”, ni meho yahusāre usāre ihquēquina. Tiquina sa nidi buhiri tiquinare Cohācjū buhiri dahrerota. Sata yero cahmene tiquinare.

Ijipihitina buhiri tina ijiaja mari

⁹¿Sa ye dūhse ni tūhotuajari mūsa? ¿Mari judio masa apequina yūhdꝛoro quehnoana ijiajari mari? Ijieraja mari. Judio masa, judio masa ijiena gūhꝛ ijipihitina buhiri tina ijiaja mari. Sata ijire ijipihtiyequinare yūhꝛ buheriro sahata. ¹⁰Panopꝛ tiquiro ni ojoariro sahata ijire ti: Ohō saha ni ojoahye:

Ne ihcāquiro masꝛno quehnoariquiro mariedare. ¹¹Ijipihtiyequina masa tūho dueyequina dihita ijire. Sa ye ijipihtiyequina masa ne Cohācjūre wacū peoerare. ¹²Sa ye tiquina Cohācjū yere cohāñe, ijipihtiyequina ñañene yeyequina wahari. Ne ihcāquiro quehnoañene yeriquiro mariedare. ¹³Tiquina dūseri masa coperi tiquina pōo docoro yero saha ijire. Tiquina yahuducugū, masa coperi wꝛī wijiario saha ni mehoñe dihita tiquina dūserire wijiare. Sa yahuducuye añā dūsero tiquiro nima purīñe wijiario saha purīno tiquina yahuducuye wijiare tiquina dūserire. ¹⁴Sa ye tiquina apequinare ñano yahuducuyequina purīno yahuducuyequina ijire. ¹⁵Sa ye usā ñañequina duita masare wejēñequina ijire. ¹⁶Sa ye noho tiquina waharopꝛ tiquina masare ñano ye, ñano yūhdꝛgū yere

tiquinare. ¹⁷Sa ye apequina masa mehna tiquina quehnoano ijierare.

¹⁸Sa ye Cohãcjüre ne ño peerare, ni ojoahye panopure.

¹⁹⁻²⁰Cohãcjü Moiserere tiquiro dutiyere marine judio masare ohoahye tiquiro dutiyere ijipihtina mari ye pehoatire. Ti dutiyere cuoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihtiro cjëna Cohãcjü tiquiro buhiri dahrenohatiquina tiquina ijigü, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjüre. Cohãcjü tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigü yere tiquinare. Sa masiñe ohõ saha ni masiedare tiquina: “Cohãcjü dutiyere ye pehou. Sa yero Cohãcjü usãre ‘Quehnoañequina ijire’, ni ihñare”, ne ni masiedare masa.

Cohãcjüre quehnoano mari wacü tutuana tiquiro yequina wahaja mari

²¹Sa ye Cohãcjü Moiserere tiquiro dutiye, tiquiro yere yahu mühtariquina tiquina ojoari güñu Cohãcjü masare tiquina ñañe yerire tiquiro borire yahuahye. Tiquiro dutiye sa yahuepegüta yojopüta Moiserere tiquiro dutiri marieno masare tiquina ñañe yerire tiquiro borire yahure marine Cohãcjü. ²²Ijipihtiyequina Jesucristore wacü tutuayequinare, tiquirore tühoyequinare “Quehnoañequina ijire”, ni ihñare Cohãcjü. Cohãcjü ijipihtiyequinare ihcãno saha yeriquiro ijire. ²³Mari ijipihtina ñañene yerina ijiaja. Sa yena Cohãcjü tiquiro cahmediro sahata ne yeru. ²⁴Mari sa yerapegüta mari Pacu marine tiquiro paja ihñagü mari ñañe yerire Jesucristo pehe bore. Tiquiro sa bogü “Quehnoana ijire”, ni ihñare Cohãcjü marine Jesure wacü tutuanare. Mari esa tuharo ye dutiro marieno Jesu yedohoro mehna mari ñañe yerire bore. ²⁵Panopu cjëna tiquina ñañe yerire ihñano Cohãcjü duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tühotu cãno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohãtiquirore. Jesucristore mari wacü tutuagü Cohãcjü pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigü yero niahye. ²⁶Sa yero yojopure tiquiro nidiro saha yeriquiro tiquiro ijiyere masa tiquina masigü cahmene tiquiro. Sa yero Jesure wacü tutuayequinare quehnoañequina tiquiro yerire tiquina masigü cahmene Cohãcjü. Tiquiro sa yerire tiquina masiatire tiquiro macunore mari ñañe buhirire yariatiquirore ohori jiri.

²⁷¿Yojopure “Quehnoana ijiaja mari”, ni masiagari mari, masa tühotugü? Tire ne ni masiedaja mari. ¿Dühsena tire ni masiedagari mari? ¿Cohãcjü tiquiro dutiyere yena, “Quehnoana ijiaja”, ni masiboari mari? Ijierare. Ti güñure ni masiedaja mari. Mari sa ni masiedapegüta Jesure mari wacü tutuagü “Quehnoana ijire”, ni ihñanota marine Cohãcjü. ²⁸Ohõ saha masiaja mari: Jesure mari wacü tutuagü ihñano marine ihña coare Cohãcjü. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacü tutuagü sa ni ihñare.

²⁹Cohãcjü judio masa pühtoro dihita ijierare. Judio masa ijieyequina pühtoro güñu ijire tiquiro. ³⁰Sa yero Cohãcjü ihcãquirola ijiro,

ijipihtiyequina pũhtoro ijire. Sa ijiriquiro ijiro judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gũhũ Jesure tiquina wacũ tutuagũ tiquina gũhũre “Quehnoañequina ijire”, ni ihñanota Cohãcjũ. ³¹ ¿Sa yena Jesure wacũ tutuana Cohãcjũ Moiserere tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

Abrahã Cohãcjũre tiquiro wacũ tutuarire yahuahye Pablo

4 ¹Mari ñecũ mũnano iji mũhtariquiropũre Abrahã mũnanore Cohãcjũ ohõ saha yeahye: ²Abrahã quehnoano tiquiro yepegũta “Quehnoariquiro ijire”, ni ihñedarĩahye Cohãcjũ tiquirore. Sa yero quehnoano yeperota ñariquiro ijinino “Yũhũ pũrita quehnoagũ ijiaja”, ni masiedahye Abrahã, Cohãcjũ ihñagũ. ³Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tũhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiro ijire’, ni, ihñahye”, ni ojoahye tiquiro yere tiquina ojoari pũpũ. ⁴Pũhtoro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine. ⁵Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiro ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiro ijire”, ni ihñare Cohãcjũ tiquirore. ⁶Sata niahye panopũ cjũno Davi mũnano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiro ijire”, ni ihñare. Tiquiro sa ni ihñanohriquiro masũno pehe tiquiro bucueyere yahuahye Davi mũnano. Ohõ saha niahye:

⁷Tiquina ñañe yerire tiquiro bonohriquina pehe tutuaro bucuere.

⁸“Quehnoañequina ijire. Tiquina ñañe yerire wacũsi yũhũ”,

Cohãcjũ sa ninohriquina tutuaro bucuere, niahye Davi mũnano.

⁹¿Judio masa tiquina cuhnucunũ sohtoa cahserogãre yũhre nenohriquina dihitarẽ tiquina ñañe yerire boyari Cohãcjũ? Ijierare. Judio masa ijieyequina yũhre nemehneñequina gũhũre tiquina ñañe yerire bore tiquiro. Pari turi Abrahãre wacũña mũsa. Tiquiro Cohãcjũre wacũ tutuagũ ihñano “Quehnoariquiro ijire”, ni ihñahye Cohãcjũ. ¹⁰¿Dũhse ijigũ sa yeari Abrahã, mũsa tũhotugũ? Tiquiro cuhnucunũ sohtoa cahserogãre tiquiro yũhre neato panopũta tiquirore “Quehnoariquiro ijire”, ni ihñahye Cohãcjũ. Sa yero yũhre nenohno, tiquiro ñañe yerire bo tuhasanohriquiropũ yũhre nenohahye. ¹¹Sa yero duita Cohãcjũre wacũ tutua mũhtahye Abrahã. Tiquiro sa wacũ tutuagũ ihñano “Quehnoariquiro ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiro tiquiro ijiyere tiquiro ihñoatore Cohãcjũ tiquirore cuhnucunũ sohtoa cahserogãre yũhre ne dutiahye. Sa yero Abrahã tiquiro

yuhreato pano Cohãcjũ pehe “Quehnoariquiro ijire”, ni ihña tuhasahye tiquiore. Tiquiro yuhre neato pano tiquiore sa ihñariro saha ijipihitiyequina Cohãcjũre wacũ tutuayequinare judio masa ijieyequina yuhremehneñequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecũno mũnano waro ijiriro saha wahare. ¹²Tiquina yero sahata judio masa, yuhrenohriquina Cohãcjũre tiquina wacũ tutuagũ tiquina ñecũno mũnano pototo ijie tiahye Abrahã. Tiquiro yuhreato pano Cohãcjũre wacũ tutuahye. Sa ye tiquiore yero saha wacũ tutuayequina judio masa Abrahã panamena iji turiayequina ijire.

Cohãcjũ Abrahãre tiquiore ni cũrire “Poto tjire”, niahye Abrahã

¹³Panopũ ohõ saha niahye Cohãcjũ Abrahãre. “Ahri yehpare mũhũre, mũhũ panamena iji turiayequinapũ gũhũre ohoutja”, ni, cũahye Cohãcjũ Abrahãre. Ti dutiyere tiquiore quehnoano yeri wapa sa niedahye Cohãcjũ tiquiore. Abrahã Cohãcjũre tiquiore wacũ tutuari wapa pehere sa niahye Cohãcjũ tiquiore, “Quehnoariquiro ijire”, tiquiore tiquiore ni ihñari bato. ¹⁴“Cohãcjũ Moiserere tiquiore cũri dutiye dihitare yero cahmene”, nine judio masa. Sa niñequina Cohãcjũre wacũ tutuaro marieno ahri yehpa ijipihitiore ne duare. Wacũ tutuaro marieno tiquina negũ mari pehe Cohãcjũre mari wacũ tutuaye dũhseati ijieraboaya. Sa yero Cohãcjũ marine tiquiore ni cũri dũhseati ijieraboaya. ¹⁵Moiserere tiquiore cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yuhdũdũcari buhiri masare buhiri dahrerota Cohãcjũ. Sa ye ti dutiye mariedagũ ti dutiyere yuhdũdũcaro gũhũ mariedaboaya.

¹⁶Sa ye Cohãcjũre wacũ tutuayequina dihita tiquiore ohoatire neeta. Abrahã Cohãcjũre wacũ tutuahye. Sa yero ijipihitiyequina tiquiore yero saha Cohãcjũre wacũ tutuayequina tiquina ñecũno pototo yero saha tojoare Abrahã. Sa yero “Ahrire mũsare ohoutja”, Cohãcjũ nino ijipihitiyequinare tiquiore wacũ tutuayequinare nino niahye. Sa ye Cohãcjũ Moiserere tiquiore dutirire yeyequina Cohãcjũre wacũ tutuayequina Cohãcjũ ohoatire neeta. Tiquina dihita nesi. Ijipihitiyequina Abrahã yero saha Cohãcjũre wacũ tutuayequina gũhũ tiquinare tiquiore ohoatire neeta. ¹⁷Tire Abrahãre tiquiore nidiro sahata ojoahye panopũre: “‘Peye macari cãena tiquina ñecũno ijiaçjũre cũu mũhũre’, ni cũahye Cohãcjũ Abrahãre”, ni ojoahye panopũ. Sa yero tiquiore Cohãcjũre wacũ tutuahye. Sa ye tiquiore yero saha mari wacũ tutuagũ mari ñecũ ijigũ yeahye Cohãcjũ tiquiore. Cohãcjũ pehe yariariquinare masoriquiro, ijipihitiyequinare bajumehnediquiro ijire. Sa yero ijipihitiyere, yojopũre mariedagũ gũhũre bajumehneatiquiro ijire.

¹⁸“Peye macari cãena mũhũ panamena iji turiayequina ijieta”, Cohãcjũ tiquiore sa nigũ Abrahã pehe pohna mariediquiro ijieperota, “Ijirota ijire”, ni tũhotuahye. ¹⁹Sa yero cien cãmari cũoriquiro ijieperota pohna dahre masieniquiro ijieperota Sara tiquiore namono ne pohna mariedicoro ticoro ijiepegũta “Pohna ti masiedaja usã”, ni tũhotuerahye Abrahã. Sa yero Cohãcjũ tiquiore ni cũrire “Ijirota ijire”, niahye Abrahã. ²⁰“Tiquiro nidiro sahata yeraboaga”, ne ni

tuhotuerahye Abrahã. Sa yero tiquiroy Cohãcjũ cũrire quehnoano tuhohaye. Sa niñene tuhõtjãno “Cohãcjũ tutuariquiroy ijire”, ni ño peoro niahye. Sa yero Cohãcjũre wacũ tutua nemoahye tiquiroy. ²¹“Cohãcjũ tiquiroy nidiro sahata quehnoano ye masine”, ni tuhotu quehnoano masiahye Abrahã. ²²Tiquiroy sa masigũ Cohãcjũre tiquiroy wacũ tutuagũ Cohãcjũ pehe “Quehnoariquiroy ijire”, ni ihñahye Abrahãre. Sata ni ojoahye Cohãcjũ yere tiquina ojoari pũpũ.

²³Sa ye Abrahã dihitaro sa ni ojoerahye. ²⁴Tire mari masiatire mari gũhũre sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari gũhũre Cohãcjũ. Tiquiroy pũrita mari pũhtoro Jesu tiquiroy yariagũ masori jiri tiquiroy. ²⁵Jesu pehe mari ñañe buhiri yariari jiri. Tiquiroy yariari bato masa wijiari jiri tiquiroy Cohãcjũ marine “Quehnoana ijire”, tiquiroy ni ihñatire.

“Quehnoana ijire”, Cohãcjũ ni ihñagũ ohõ saha waharota marine

5 ¹Jesucristore mari wacũ tutuagũ ihñano “Quehnoana ijire”, ni ihñare marine Cohãcjũ. Tiquiroy sa ni ihñagũ Cohãcjũ mehna cãana marine ijigũ yere mari pũhtoro Jesucristo. ²Sa yena mari tiquiroy wacũ tutuagũ ihñano Cohãcjũ marine cahino, pecapũ wahaborinare yũhdũori tiquiroy mehna mari ijiatõ saha. Cohãcjũ pũrita quehnoa yũhdũariquiroy ijire. Sa yero tiquiroy yero saha ijigũ yerota marine tiquiroy. Tiquiroy sa yeatire quehnoano masiaja mari. Sa yena bucueaja. ³Mari ñano yũhdũna gũhũ bucueaja mari. Ñano yũhdũna, tire dũca cãa mari. Sa dũca cãna, ñano yũhdũepenata quehnoano Cohãcjũre wacũ tutuana wahaja mari. Sa yena Cohãcjũ yere duhueraja mari. ⁴Mari sa yegũ ihñano “Quehnoare”, ninota Cohãcjũ marine. Tiquiroy sa nigũ marine tiquiroy yũhdũoatire quehnoano masiaja mari. ⁵Sa yero Cohãcjũ marine tiquiroy yaquiroy Espĩritu Santore ohori mari mehna ijiatiquiroy. Sa yero Espĩritu Santo pehe mari mehna ijiro Cohãcjũ marine tiquiroy sa cahĩducuyere masigũ yere. Tiquiroy sa masigũ yegũ marine tiquiroy yũhdũoati quehnoano waro ijiro nine. Potota yũhdũnata mari.

⁶Sa yero mari ñañe yerire mari basi mari yũhdũo masiedagũ tiquiroy queoriro esagũ mari ñañe buhirire Cristo yariahye. ⁷Quehnoañe dihitaro yeriquiroy yũhdũoro taro apequiroy yariaboaga ape taha yero. ⁸Mari pehe ñana mari ijiniepegũta marine yũhdũoro taro Cristo yariahye. Tiquiroy sa yegũ Cohãcjũ marine tiquiroy tutuaro cahĩñene masiaja mari. ⁹Mari ye buhirire tiquiroy sa yariagũ tiquiroy dii wijiagũ Cohãcjũ pehe marine “Quehnoana ijire”, ni ihñare. Tiquiroy sa ni ihñari bato yojopũ pehere marine pecapũ wahaborinare yũhdũorota Jesu. “Quehnoana ijire”, tiquiroy niato pano marine yũhdũoeranidi. Yojopũ pehere marine Cohãcjũ yequina tiquiroy yeri bato marine buhiri dahresi pecapũ Cohãcjũ. ¹⁰Sa yena Cohãcjũre ihña tuhtina mari ijiniepegũta tiquiroy macũno yariaro, mari ñañe yerire cohãri. Sa cohãno Cohãcjũre mari mehna usueragũ yeri tiquiroy. Sa yena tiquiroy yequina wahaja mari. Yojopũ pũritare ti yũhdũo cãũno yerota marine. Tiquiroy yequina mari ijigũ Jesu tiquiroy masa mũjari mehna, marine pecapũ wahaborinare quehnoano yũhdũorota tiquiroy. ¹¹Camepũ mari yũhdũatire

bucueaja. Yojoþure ahri gũhure bucueaja. Mari puhtoro Jesucristo mari ñañe buhirire tiqiro yariari bato Cohãcþũ yequina ijiaja mari. Sa yena bucueaja.

Adãre, Cristore yahuahye Pablo Roma cjẽnare

¹²Adãn tiqiro ñañene yeri bato ahri yehpare ñañe iji ducahye. Ñañe iji ducagũ masa yaria ducahye. Ijipihtina mari ñañene yeaja. Sa yena ijipihtina ñana mari ijiri buhiri yariaja. ¹³Cohãcþũ tiqiro dutiyere Moisere tiqiro cũato pano potota ahri yehpa cjẽna ñañene yee tiahye. Tiquina sa yepegũta ti dutiye mariedagũ ti dutiyere tiquina yũhduducari buhiri buhiri dahre masiedahye. ¹⁴Tiqiro sa buhiri dahre masiedapegũta Adãn gũhu tiqiro bato ijiequina gũhu dutiye mariedapegũta yarie tiahye. Moise tiqiro ijato pano dutiye mariedapegũta masa yarie tiahye. Apequina ñañe yeye Adãn tiqiro ñano yeriro saha waro yera timahye. Sa ijiepetã tiquina gũhu yarie tiahye. Sa yero Adãn ñañene tiqiro ye ducariro saha yoari batopũ ahri yehpapũ ahtariqiro quehnoañene ye ducari jiri.

¹⁵Adãn tiqiro yũhduducari Cohãcþũ masare tiqiro paja ihñañe yero saha ijierare. Cohãcþũ tiqiro paja ihñañe pehe quehnoa yũhduare. Adãn ihcãquirola ijieperota ñañene tiqiro ye ducari buhiri peyequina masa yarie tiahye. Cohãcþũ pehe marine paja ihñano, Jesucristore ohori jiri. Sa yero tiqiro ihcãquirola ijiriquiro pecapũ wahaboriquinare masare peyequinare yũhduore. ¹⁶Sa yero Cohãcþũ masare tiqiro paja ihñañe Adãn tiqiro yũhduducari yero saha ijierare. Adãn pehe ihcãquirola ijiriquiro ñañene tiqiro yeri buhiri ijipihtiequina masa buhiri tiyequina ijire. Sa tiquina buhiri tiyequina ijiepegũta masa pajiro ñañene tiquina yepegũta yojoþure masare paja ihñano Cohãcþũ tiquina ñañene bore. Sa boro “Quehnoañequina ijire”, ni ihñare tiqiro tiquinare. ¹⁷Adãn ihcãquirola ijiriquiro ñañene ye ducagũ ijipihtiequina masa yariaducure. Ti poto tjire. Sa ijiepegũta ahri pehere bucuenata mari. Yojoþure Cohãcþũ masare paja ihñano Jesucristo ihcãquirola ijiriquiro tiqiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiequina tiqiro sa ni ihñañequina uhmusepũ Cristo mehna puhtoã ijietã.

¹⁸Ihcãquirola Adãn ñañene ye ducagũ ijipihtiequina ñañene ye ducahye. Tiquina sa yegũ Cohãcþũ buhiri dahrerota tiquinare. Apequiro Jesu pehe quehnoañene tiqiro yegũ ijipihtiequina tiquina ñañene bonohriquina iji masine. Ñañene tiqiro bonohriquina tiquina ijigũ “Quehnoañequina ijire”, ni ihñanota tiquinare Cohãcþũ. Sa ye ijipihtie decori tiqiro mehna ijiducuetã tiquina. ¹⁹Ihcãquirola Adãn Cohãcþũre yũhduducahye. Tiqiro sa yegũ peyequina masa ñano yeyequina iji ducahye. Sa yero apequiro Jesu pehe Cohãcþũre yũhtiahye. Tiqiro sa yegũ peyequina masa tiquina ñañe yerire bonohriquina wahahye. Tiquina sa wahagũ “Quehnoañequina ijire”, ni ihñahye Cohãcþũ tiquinare.

²⁰Cohãcþũ dutiyere Moisere cũahye ijipihtiequina masa tiquina ñañene tiquina quehnoano masiatire. Sa ye masa tiquina ñañene masiñe, ti yũhduore Cohãcþũ tiquinare tutuaro tiqiro cahĩñene masietã. Tiqiro marine cahĩ yũhduare. ²¹Tiquina ñañene tiquina yeri buhirire masa yariatiquina ijire. Sa

ye pecapũ wahaeta. Cohãcjũ mari Pacũ pehe masare cahĩ yũhduare. Tiquiro sa tutuaro cahĩgũ mari pũhthoro Jesucristore tiquiro ohogũ tiquiro pehe masare quehnoañequina wahagũ yere. Sa ye tiquinare “Quehnoañequina ijire”, Cohãcjũ tiquiro ni ihñagũ tiquina ijipihthiye decori tiquiro mehna sa ijiducuenta.

**Yariariquina mũna tiquina ñañene yerariro saha
Cristo yequina gũhu ñañene yeducuerare**

6 ¹ ¿Dũhse yenatari mari yojopũre, mũsa tũhotugũ? ¿Cohãcjũre marine cahĩ nemo duti duana ñañene ye nemoboagari mari? ²Ijierare. Ñañene yeracũhna mari. Yariariquina mũna ñañene tiquina yerariro saha Cristo yequina ijina mari gũhure ñañene yeraro cahmene. ³Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye duerũ. Sa yena duhuu. Tiquiro mari ñañe buhiri yariari jiri. ⁴Sa yena Cristo pagure masa coperũ tiquina ya cohãriro sahata mari ñañe yerire duhuaaja. Sa yena mari Pacũ tiquiro tutuaye mehna Cristo tiquiro masa mũjariro saha mari gũhu tiquiro tutuaye mehna quehnoañe pehere comesaja. Sa yena quehnoana wahaja.

⁵Sa yena Cristo yequina ijina Cristo yariaro ahri yehpa cjã pagure tiquiro cohãriro saha mari gũhu yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa mũjariro sahata mari gũhu quehnoana ijinata. Ti poto tjire. ⁶Cristo yequina iji dũcana tiquiro mehna yariariquina yero saha wahaũ pari turi mari ñañene yerato saha. Sa waharina ijina ñañene yeducu nemosi mari. Tire mari masiaja. ⁷Yariariquiro mũnanopũ ñañene ye nemoedare. ⁸Cristo mehna yariariquina yero saha ijina, tiquiro masa mũjariro sahata mari gũhu quehnoana ijinata. “Ti poto tjire”, ni tũhotuaja mari. ⁹Cristo tiquiro yaria masa mũjari bato ne pari turi yariasi. Apequiro tiquirore pari turi yariagũ ye masiedare. Tire mari masiaja. ¹⁰Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacũ tiquiro cahmeno sahata yeducuatiquiro ijire tiquiro. ¹¹Tiquiro yero sahata mũsa gũhu ohõ saha ni tũhotuya: “Yariariquina mũna tiquina yeraro saha mari gũhu ñañene yeraja. Jesu yequina ijina mari Pacũ tiquiro cahmeno sahata yeanaja ijina niaja mari gũhu”, ni tũhotuya mũsa.

¹²Sa yena mũsa yarianaja ijina ñañene yeducueracãhña. Sa yena mũsa ñañe ye duayere tutuaro cahmepenata tire sa tũhotu cãhña. ¹³Ñañene yeracãhña. Pecapũ wahaborina Jesu tiquiro yũhduonohrina ijire mũsa. Tiquiro sa yenohrina ijina Cohãcjũ cahmeñe dihitare yeya mũsa. Sa yena quehnoañene yeya mũsa. ¹⁴Yojopũre Cohãcjũ Moiserere tiquiro dutiye mehna marine dutierare. Cohãcjũ marine cahĩno tiquiro pehe marine dutire. Sa yena tiquiro yedohoro mehna ñañene ye duasi mari.

Musa ñañene yeducugū ti ñañe musa puhtoro yero saha ijire

¹⁵ ¿Yuhū sa nigū duhse ni tuhotuajari musa? ¿Cohācjū pehere yuhtianaja ijina Moiserē tiquiro dutiyere yuhtianaja ijierana, ñañene yeducuboagari mari? Ijierare. Yeducusi. ¹⁶ ¿Ahrire masiedajari musa? Musa quehnoano yuhtiriquiro musa puhtoro ijire. Sa yena tiquiro cahacjāna ijire musa. Musa sa yuhti musa puhtoro tiro saha ñañene yeducuna musa ijigū ti ñañe musa puhtoro yero saha ijire. Sa yena ñañene duhu masiedare musa. Sa yena ijina pecapū wahanaja ijire musa. Cohācjūre quehnoano ño peona ijina tiquiro cahacjāna ijire musa. Sa yena tiquiro yequina quehnoana ijire musa. ¿Tire masiedajari musa? ¹⁷ Panopū ñañene yeducuna musa ijigū ti ñañe musa puhtoro yero saha ijimedi. Yojoṛpū pehere quehnoañe buheyere tuhona Jesure wacū tutuana Cohācjūre quehnoano ño peona wahari musa. Tire masigū “Quehnoare”, niaja Cohācjūre. ¹⁸ Sa wahana yojoṛpūre ñañe ti dutiro saha yerare musa. Sa yena Cohācjū cahacjāna ijina quehnoañe pehere yere musa. ¹⁹ Cahacjēna puhtoare tiquina quehnoano ño peoyere masi pehore musa. Sa yegū ti musa masidi mehna queoye mehna buhei masare “Ahri buheyere musa esa tuharo tuhoeraboaga”, nigū. Panopū ñañene yeducuna ijimedi musa. Musa sa yeducuriro saha yojoṛpū pehere quehnoañene yeducuna ijiya musa. Sa yena Cohācjū cahmeñe dihitarē yenata musa.

²⁰ Panopū ñañe dihitarē yerina ijina, quehnoañe pehere yera tiri musa. ²¹ ¿Ti pjeṛpūre ñañe dihitarē yena yabere wapatarī musa? Ti musa ñañe yerire wacūna yojoṛpūre bue tiaga musa. Ti ñañene musa yeri buhiri pecapū wahaboaya musa. Sa yena ñañene yena ne wapataerare musa. ²² Yojoṛpū pehere musa ñañe yerire duhuna Cohācjū cahacjāna wahari musa. Sa yena Cohācjū cahmeñe dihitarē yena ijinata. Sa yena ijipihtiye decori Cohācjū mehna ijinata. ²³ Ñañene mari yeri buhiri pecapū wahanaja ijiaya ijiphtina mari. Mari sa ijiepegūta mari puhtoro Jesucristore mari wacū tutuagū ihñano, ijipihtiye decori tiquiro mehna marine ijiducugū yerota. Mari sa ijiducuatire sa oho cānota.

Cohācjū Moiserē tiquiro ohori dutiyere yahu nemoahye Pablo

7 ¹ Yuhū acaye, Cohācjū Moiserē tiquiro dutirire quehnoano masine musa. Masūno tiquiro catinigū ti dutiyere yuhduduca dutierare. Tiquiro yariari bato pūritare ti dutiyere yero basioerare. Ti gūhure masine musa. ² Ohō saha ijire: Numinore ticoro manūno mehna dihita iji dutire Cohācjū Moiserē tiquiro dutiri pehe. Tiquiro sa dutiepegūta ticoro manūno yariari bato ticoro pehe apequirore manū ti masine. Ticoro ti dutiro mehna iji nemoedare. Ohō saha ni yahure ti dutiye. ³ Sa yero ticoro manūno tiquiro catiepegūta ticoro apequirore manū tiro, ñano yero nine ticoro. Sa ijieperota ticoro manūno yariari batopū apequirore manū tiro, Cohācjū dutiyere yuhduducaerare ticoro sa yericoro. Sa yero ñano yericoro ijierare ticoro.

⁴ Musa gūhū yuhū acaye Jesu yequina wahana, dutiyere musa yeri wapa tiquiro yequina wahaerare musa. Sa yena yariariquina mūna dutiye mehna

tiquina ijieraro saha m̄sa ḡñh̄u ti dutiye mehna ijierare. M̄sa Cristo ya curua c̄j̄ana ijire. Sa yena yojoṗ̄ure tiq̄iuro yequina ijire m̄sa. Tiquiro pehe yariari bato masa m̄j̄ari jiri Coh̄āc̄j̄ū cahmeno saha mari yeatire. ⁵Panop̄ū ñañene mari esa tuharo yee timi. Sa yena Coh̄āc̄j̄ū Moiserere tiq̄iuro dutirire mari masidi bato ti dutiyere ȳh̄d̄uḍ̄uca duami. Ti dutiye mariedaḡū ȳh̄d̄uḍ̄uca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecap̄ū wahaborinata ijie timi. ⁶Sa wahaborina ijiepenata Cristo yequina ijina yojoṗ̄ure ti dutiye mehna ijieraja mari. Sa yero Esp̄iritu Santo mari mehna ijiriquiro marine quehnoañe pehere comesaḡū yere. Tiquiro sa yeḡū panop̄ū c̄j̄ē dutiye tiq̄iuro ojoari ti mehna ijieraja mari yojoṗ̄ure.

Tiquiro ñañe yerire yahuahye Pablo

⁷¿Sa yena Coh̄āc̄j̄ū Moiserere tiq̄iuro dutirire duhse niboagari mari? ¿Ti dutiye ñañe ijagari, m̄sa tuh̄otuḡū? Ijierare. Ti dutiye mehna ñañene masii. Sa yeḡū ti dutiye mariedaḡū ñañene masiedaboya ȳh̄h̄u. Ti dutiye oh̄o saha ijire. “Apequina yer̄ure tutuaro cahmedac̄āñ̄a”, niah̄ye ti dutiye. Sa niedaḡū apequina yer̄ure tutuaro cahmeñe ti ñañe ijiḡū masiedaboya ȳh̄h̄u. ⁸Sa yeḡū ti dutiyere ȳh̄h̄u masidi bato apequina yer̄ure tutuaro cahmee timi ȳh̄h̄u. Ti dutiyere masiedaḡū apequina yer̄ure tutuaro ȳh̄h̄u cahmeñe ti ñañe ijiḡū masiedaboya ȳh̄h̄u. ⁹Ti dutiyere ȳh̄h̄u quehnoano masiato pano sa tuh̄otu c̄ñ̄h̄u. Sa yeḡū ti dutiyere ȳh̄h̄u masidi bato tutuaro ñañene ye duami. Sa yeḡū pecap̄ū ȳh̄h̄u wahatire masie tii. ¹⁰Sa ye Coh̄āc̄j̄ū dutiyere ȳh̄d̄uḍ̄ucaeraye, masa tiq̄iuro mehna quehnoano ijiducuboya. Sa ye ti dutiye pehe quehnoano ijiducuḡū yebori dutiye ijire. Sa ijieperota ȳh̄h̄u ȳh̄d̄uḍ̄ucari buhiri ȳh̄h̄ure pecap̄ū waha dutimedi. ¹¹Sa yeḡū ñañene yeḡū Coh̄āc̄j̄ū Moiserere tiq̄iuro dutiyere ȳh̄d̄uḍ̄uca duami. Ñañene tutuaro cahmeḡū ȳh̄h̄u ijiḡū quehnoañene masied̄u. Ti ñañe pehe ȳh̄h̄ure dojomehnedi. Sa yeḡū quehnoano masied̄u. Sa masiedaḡū Coh̄āc̄j̄ū dutiyere ȳh̄d̄uḍ̄ucañ. Sa yeḡū ti dutiyere ȳh̄h̄u masidi bato ȳh̄h̄u ñañe buhirire pecap̄ū ȳh̄h̄u wahaboriroro masii. Ti dutiye mehna sa masii.

¹²Sa ye Moiserere tiq̄iuro c̄ūri dutiye quehnoañe ijire. Sa ye queoro ijirota nine ti dutiye. ¹³¿Sa ijieperota marine ti quehnoañe dutiye pehe pecap̄ū wahaḡū yeajari? Ijierare. Top̄ū wahaḡū yerare. Mari ñañe yeye pehe marine pecap̄ū wahaḡū yere. Ti dutiyere mari masidi bato ti dutiyere ȳh̄d̄uḍ̄ucana, ñañene yena mari ijiyere masiaja mari. Sa yena mari ñana mari ijiyere masina, mari pecap̄ū wahati ḡñ̄h̄ure masiaja mari. Sa yena ti dutiyere masina mari ȳh̄d̄uḍ̄ucarire ti ña ȳh̄d̄uḍ̄uaye ijiḡū masiaja mari.

¹⁴Moiserere tiq̄iuro dutiri Coh̄āc̄j̄ū pehe tiq̄iuro c̄ūri ti ijiḡū masiaja mari. Ȳh̄h̄u pehe apequina yero saha ñaḡū ijiaja. Sa yeḡū ñañene yeducuḡū ijiaja. ¹⁵Sa yeducuḡū ijiepeḡuta ȳh̄h̄u yerire ne masied̄u ȳh̄h̄u. Ȳh̄h̄u cahmeno saha yeraja ȳh̄h̄u. Sa yeḡū ȳh̄h̄u tutuaro ye dueramedireta yeaga ȳh̄h̄u. Sa yeḡū ȳh̄h̄u yerire ne masiedaga ȳh̄h̄u. ¹⁶Sa yeḡū ñañene ye duerapeḡuta ñañene yeaja ȳh̄h̄u. Tire yeḡū Coh̄āc̄j̄ū dutiye quehnoañe ijiḡū masiaja ȳh̄h̄u. ¹⁷Sa

yegu yuhũ waro ti ñañene yojopure yeraja. Yuhũ tuhutyepu ijiye ñañe ti pehe yuhure ñañene yegũ yere. ¹⁸Quehnoañene tutuaro ye duepeguta ne cüedaga. Ñañe pehe yuhure dojomehne mujare. Ahri yehpa cjũ yuhũ ijigũ yuhũ tuhutyepu ñañe dihita ijire. Ne quehnoañe mariedabutiare. ¹⁹Quehnoañe yuhũ ye duaye pehere ne yeraja yuhũ. Yuhũ ñañene yuhũ ye dueye pehere yeaja. ²⁰Sa yegu yuhũ ye dueyere yegu yojopure yuhũ waro tire yeraja. Yuhũ tuhutyepu ijiye ñañe ti pehe yuhure ñañene yegũ yere.

²¹Sa yero yuhure ohõ saha wahare: Quehnoañene yuhũ ye duepeguta yuhũ tuhutyepu ñañe ijire. Sa yegu quehnoañe pehere yeraja. ²²Cohãcjũ Moiserere tiqiro dutirire yuhũ tuhutuye mehna tutuaro cahmeaja. ²³Sa yegu yuhũ ahrire masiaja: Yuhũ tuhutuye mehna quehnoañene ye duaja. Sa ye duepeguta yuhũ basi ñañene tutuaro ye duaja. Sa yegu yuhũ esa tuharo ñañene duhu masiedaga yuhũ.

²⁴Sa ñañene duhu masiedagu pejecuogu ijiaja yuhũ. Ñañene yegu pecapu wahaguta yuhũ. Yohnah. ¿Yuhũ ñañene yuhure pecapu waha dutiye ñañene noa yuhure cohã basaboagari? ²⁵Jesucristore yuhũ wacũ tutuagũ tiqirota yuhũ ñañene cohãnota. Tiquiro sa yegũ Cohãcjũre “Quehnoare”, ñiaja yuhũ. Sa yegu yojopure yuhũ basi yuhũ tuhutuye mehna Cohãcjũ dutiyere yeaja. Sa yegu ijiepeguta yuhũ esa tuharo ijigũ ñañe pehe yuhure ñañene yegũ yere.

Espíritu Santore cuoyequina tiquina ijiye tiyere yahuahye Pablo

8 ¹Yojopure Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiqiro dutiro saha yeducure tiquina.] ²Sa yero Jesucristo yaquiro yuhũ ijigũ Espiritu Santo ñañene duhugũ yere yuhure. Sa yero Espiritu Santo ijipihtiye decori Cohãcjũ mehna ijigũ yere yuhure. Ñañene yuhure duhugũ yero yuhure pecapu wahaborigure yuhduore tiqiro. ³Cohãcjũ Moiserere tiqiro dutirire mari esa tuharo ne ye pehosi. Sa ye pehoerana yuhduducana ijiaja mari. Sa yena mari ijigũ Cohãcjũ marine yuhduoranidi. Mari sa ijina ijiepeguta ohõ saha Cohãcjũ marine yuhduorota. Tiquiro mari ñañe buhirire yariatiquirore, ti ñañene cohãtiquirore tiqiro macunore ohoahye. Sa yero tiqiro macuno mari yero sahata pagu tiahye. Sa yero mari tuhutyepu ijiye ñañene tiqiro cohãri. ⁴Marine sata yeri Cohãcjũ dutiyere tiqiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiqiro dutiro sahata yeaja mari.

⁵Ñañene ye duayequina, ti dihitarere tutuaro cahmene. Espiritu Santo dutiro sahata yeducuyequina pehe ti dihitarere ye duare tiquina. ⁶Ñañene ye duayequina ti dihitarere tutuaro cahmeñe, pecapu wahaeta. Espiritu Santo cahmeno sahata tutuaro ye duayequina pehe ijipihtiye decori Cohãcjũ mehna ijieta. Sa ye tiquina quehnoano iji cãeta. ⁷Tiquina esa tuharo yeyequina Cohãcjũre ihña tuhtire. Tiquina Cohãcjũ dutiyere ne yuhtierare. Tiquiro dutiyere yuhti duerare. Yuhti masiedare tiquina. ⁸Sa ye tiquina esa tuharo yeyequina Cohãcjũre bucuegũ ye masiedare.

⁹Musa pehe musa esa tuharo yerare. Espíritu Santo musa mehna ijigũ tiquiroy cahmeno sahata yere musa. Sa ye Espíritu Santore cœoyequina pehe Cristo yequina ijierare. ¹⁰Musa pehe tiquiroy yequina ijire. Musa ñañe buhiritá musa paguri yariare. Sa musa paguri yarianaja ijiepenata Cristo musa mehna tiquiroy ijigũ tiquiroy mehna sa ijiducunata musa. Cohãcjũ musare “Quehnoana ijire”, tiquiroy ni ihñagũ musa tiquiroy mehna sa ijiducunata. ¹¹Cohãcjũta Jesure masori jiri. Sa masoriquiroy ijiro Espíritu Santo mari mehna tiquiroy ijiducugũ mari yariari bato Cohãcjũ mari gũhure masonota. Sa masono mari pagurire yariati pagurire catigũ yerota marine.

¹²Yũhũ acaye, tiquiroy sa yegũ ihñana ñañe mari tutuaro cahmedire yeracũhna. ¹³Mari ñañene yerina ijina, pecapũ wahaborina iji cãnata niaja. Espíritu Santo yedohoye mehna ñañe yeyere duhurina ijina, ijipihtiye decori Cohãcjũ mehna ijinata.

¹⁴Ijipihtiyequina Espíritu Santore yũhtiyequina Cohãcjũ pohne ijire. ¹⁵Espíritu Santo mari mehna tiquiroy iji ducagũta Cohãcjũ pohna iji ducacũ. Sa yena tutuaro mehna tiquiroy dutinohrina ijieraja mari. Sa yena panopũ mari cueriro saha yojoopũ pehere mari cueraja. Tiquiroy pohna ijina, Espíritu Santo yedohoye mehna yojoopũre “Yũhũ Pacũ”, niaja mari Cohãcjũre. ¹⁶Sa yero Espíritu Santo mari wacũnerũ marine ohũ saha masigũ yere: Potota Cohãcjũ pohna ijiaja mari. Tire marine masigũ yere tiquiroy. ¹⁷Sa yena tiquiroy pohna ijina, Cohãcjũ ijipihtiyere tiquiroy pohnene tiquiroy “Ohoutja”, tiquiroy nidire mari pehe cœonata. Jesucristo mehna mari cœonata tire. Cristo yere mari yeri buhiri ñano yũhdũrina ijina mari tiquiroy mehna uhmũserũ quehnoano bucueye mehna iji cãnata. Sa yena Cohãcjũ tiquiroy pohnene “Ohoutja”, tiquiroy nidire cœonata mari.

¹⁸Yojoopũre ahri yehrapũ ñano yũhdũriaja mari. Caperũre mari uhmũserũ quehnoano iji cãnata. Sa yena yojoopũre ñano yũhdũna, pajiro bujũna witi wacũ tuhotuercũhna. Ahri mari ñano yũhdũri sa iji cãno nine. Came quehnoano iji cãnata Cohãcjũ mehna. Sa yena tutuaro bucuenata. Ahri pũrita ihyo waro ijierare. ¹⁹Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. ²⁰Ijipihtiropũre tiquiroy bajumehnedi quehnoano ijiborire dojomehneahye masũno ñano ye ducaro. Ti esa tuharo sa wahaerahye. Ñañe iji ducari bato tiquiroy bajumehnedi sa wahahye. Sa yero Cohãcjũ tiquiroy bajumehnedire sata ñano iji dutiniahye. Came tiquiroy bajumehnedire quehnoañe wahagũ yerota tiquiroy. ²¹Sa yero Cohãcjũ tiquiroy bajumehnedire ahba pihtiborire quehnoañe wahagũ yerota tja. Cohãcjũ pohnene quehnoañequina tiquiroy wahagũ yeriro sahata, tiquinare quehnoano tiquiroy yũhdũrori sahata quehnoañe wahagũ yerota Cohãcjũ tiquiroy bajumehnedire. ²²Ijipihtiye Cohãcjũ tiquiroy bajumehnedi ñano ti iji ducari bato ñano yũhdũre tiahye. Numino niji wahcõno ticoro ñano yũhdũro sahata tiquiroy bajumehnedi gũhũ decoripe ñano yũhdũducure. Tire mari masiaja. ²³Mari pehe Espíritu Santore cœona ijiaja. Tiquiroy yequina mari wahagũ Cohãcjũ tiquiroy yaquiroy Espíritu Santore duita ohori marine. Tiquiroy bajumehnedi yero sahata mari gũhũ

ñano yũhdũaja. Sa yena quehnoañe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhũre tutuaro cohteaja mari. Wahma pagũre marine tiquiro ohoati gũhũre cohteaja. ²⁴Mari sa cohtena ijigũ, tiquirota marine pecapũ wahaborinare yũhdũore. Tiquiro cahapũ ijirina ijina tiquiro cahapũre mari wahatire cohteraboya mari. Marine tiquiro yũhdũo tuhasari bato ijigũ tire cohte nemoedaboya. ²⁵Sa yena tiquiro ohoatire ihñedapenata Cohãcjũ marine tiquiro yũhdũoatire cohtena, sa cohteducuaja.

²⁶Sa yena Cohãcjũre wacũ tutuera cjũna tiquiro cahmeñene quehnoano masiena mari ijigũ Espĩritu Santo marine yedohore. Cohãcjũre mari quehnoano sini masiedaja. Espĩritu Santo pehe marine Cohãcjũre tutuaro sini basare. Marine tutuaro paja ihñano marine tiquiro Cohãcjũre tutuaro sini basare. ²⁷Cohãcjũ cahmeno sahata marine Jesu yequinare sini basare Espĩritu Santo. Tiquiro sa sini basagũ Cohãcjũ mari tũhotuyere masi pehoriquiro ijiro, Espĩritu Santo tiquiro sini basarire masine.

Cristo tiquiro tutuaye mehna ñañe yeyere yũhdũducãnata mari

²⁸Ahrire yũhũ yahuatire masiaja mari: Ijipihina Jesure cahĩna mari ijigũ tiquiro cahmeñene yeanajare beseahye marine. Sa ijina mari ijigũ ihñano Cohãcjũ sa ihña ihboducure marine. Sa yena mari ñano yũhdũepenata ñano yũhdũducu dojoeraja. Cohãcjũ tiquiro yedohoro mehna quehnoano ijinata mari. ²⁹Cohãcjũ marine tiquiro yequinare duitapũta masi tuhasahye. Sa masino tiquiro macũno Jesu tiquiro ijiro sahata marine iji dutiro, marine quehnoañe pehere comesa duti tuhasahye. Tiquiro macũno yero saha marine iji dutiahye tiquiro peyequina masa tiquiro macũnore mari wahmi tiatire. ³⁰Panopũ tiquiro yequina tiquiro iji dutirina mari ijigũ, tiquiro pohna mari ijiatina gũhũre beseahye marine. Sa yero marine tiquiro beserinare tiquiro “Quehnoañequina ijire”, ni ihñare. Marine tiquiro sa ninohrinare tiquiro mehna uhmũsepe quehnoano ijigũ yerota marine Cohãcjũ.

³¹Tire masina ohõ saha tũhotuaja mari: Cohãcjũ marine tiquiro cahñonare ne apequina ihña tuhtiye cũedare. ³²Cohãcjũ mari ye buhirire yariatiquirore tiquiro macũnore ohoahye. “Yũhũ macũre cahĩaja. Sa yegũ tiquirore ohoeraja”, niedahye tiquiro. Marine sa tutuaro yedohoriquiro ijiro, ijipihitiye mari cahmeñe dũhsarire marine oho pehorota. ³³Cohãcjũ beserina mari ijigũ, tiquiro marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare. ³⁴Cristo mari ye buhirire yaria masa wijiahye. Sa yero Cohãcjũ poto pehepe yojopũre tiquiro ijire dutiriquiro ijiro. Sa yero tiquiro marine potota sini basaro nine Cohãcjũre. Sa ye apequina pehe marine ne buhiri dahre duti masiedare. ³⁵Cristo marine tiquiro tutuaro cahĩgũ apequina tiquirore “Cahĩedacãhña”, ne ni masiedare. Cahĩ duhusi tiquiro. Mari ñano yũhdũepẽgũta, mari cuepegũta, apequina marine tiquina ñano yepegũta, mari ujuja ahbaepẽgũta, suhti mariena mari ijiepegũta, cuaropũ mari ijiepegũta, marine tiquina wejẽpegũta Cristo marine sa cahĩducurota. ³⁶Cohãcjũ yere tiquina ojoari pũpũ mari sa wahatire yahuro, ohõ saha nine:

Mũhũ yequina usã ijiri buhiri apequina usãre sa wejẽ duaducure.

Oveja tiquina wejõatiquina tiquina ijiriro saha usã gãhũre sa wahare, ni ojoahye Cohãcjũ yere tiquina ojoari pũpũ.

³⁷Sa yena mari ñano yũhdũepenata Cristo marine cahĩniquiro tiquiro yedohoro mehna tutuaro mehna ñañene duhu pehonata mari. ³⁸⁻³⁹Jesucristo yequina mari ijigũ ihñano Cohãcjũ pehe marine tutuaro cahĩne. Sa yero tiquiro marine ne cahĩ duhusi. Mari yariagũ gãhũre, mari catigũ gãhũre, yojopũre, camerũ gãhũre, tiquiro marine cahĩ duhusi. Sa ye angele, watĩa pũhũa, ahri yehpa cjẽna pũhũa, umũse cjẽna, ñañequina bajueyequina gãhũ Cohãcjũre “Mũhũ yequinare cahĩedacãhña”, tiquina niepegũta marine ne cahĩ duhusi Cohãcjũ. Cohãcjũ tiquiro bajumehnedi mehna marine ne cahĩ duhugũ yeye mariedare. Marine ne tiquiro cahĩ duhusi.

Israe masa Cohãcjũ beseriquina ijire

9 ¹⁻²Yũhũ acaye Israe masare wacũgũ, tutuaro bujũa witiája yũhũ. Cristore cahmedare tiquina. Sa yegũ ñano bujũa witi jeripohna tiaja yũhũ. Ti yũhũ sa ni yahuye ijirota ijire. Yũhũ Cristo yaquirola ijiája. Sa yegũ musare potota niaja. Sa yegũ Espĩritu Santo yũhũ mehna tiquiro ijigũ yojopũre yũhũ acayere yũhũ ni yahuye ti potota ijigũ quehnoano masiaja yũhũ. Tiquiro tire yũhũre quehnoano masigũ yere. ³Israe masa yũhũ acaye ya maca cjẽna pecarũ wahaeta. Cohãcjũre tiquinare yũhdũo dutigũ ohõ saha niboá yũhũ pehe: “Tiquina ye buhirire yũhũ pehe pecarũ wahautja. Sa yero tiquina ye buhirire yũhũ pehere buhiri dahreahro Cristo”, niboá yũhũ. ⁴Tiquina yũhũ acaye Israe mũnano panamena iji turiayequina ijire. Sa yero Cohãcjũ pohne ijiatiquinare cũahye Cohãcjũ tiquinare. Sa yero Cohãcjũ tiquiro asi siteye mehna tiquina watoa ijie tiahye. Sa yero tiquina ijipihitiyequinare tiquiro masare tiquiro yũhdũoatire yahue tiahye tiquinare. Sa yero Moisere tiquiro dutirire duita cũ mũhtahye Israe masare. Sa ye Cohãcjũre ño peoati wũhũre ye mũhtae tiahye tiquina. Sa yero tiquinare tiquiro quehnoano yeatire yahue tiahye Cohãcjũ. ⁵Usã ye cururi waro doce cururi waro ijire. Sa yena usã ñecũsumũa iji mũhtariquina mũnapũ tiquina panamena iji turianapũ ijiája usã Israe masa. Sa yero mari yero saha pagũ tiriquiro ahtarõ, usã acayũro Israe masũno waro ijire Cristo. Tiquiro Cohãcjũta ijire. Sa yero tiquiro ijipihitiyequina pũhtoro ijire. Ijipihitiye decori tiquirore quehnoano ño peouhna mari. Sa ño peoducuhna.

⁶Apequina Israe mũnano panamena iji turiayequina ijiepetã Cohãcjũ yequina waro ijierare. Sa yena tiquina tiquiro yequina ijieragũ ihñana ohõ saha ni tũhotuboa mũsa: “ ‘Israe masare yeequina ijigũ yeitja’, nieperota ihquẽquinare Cohãcjũ tiquiro nidiro sahata yerare”, ni tũhotuboa mũsa. Sa ni tũhotueracãhña. ⁷Ohõ saha ijire: Apequina Israe masa Abrahã panamena iji turiayequina tiquina ijiepegũta “Abrahã panamena iji turiayequina waro ijire”, ni ihñedare Cohãcjũ tiquinare. Sa yero ohõ saha niahye Cohãcjũ: “Mũhũ macũ Isaac panamena iji turiayequina tiquina pũrita potota mũhũ panamena

iji turiayequina waro ijieta”, niahye Cohãcǵũ Abrahãre. ⁸Tiquiro sa ni yahugũ ahrire masinata mari: Abrahã panamena tiquina masa bajuari bato duita Cohãcǵũ pohne waharĩedaga tiquina. Cohãcǵũ tiquiro ni cũrĩre quehnoano tuhoyequina tiquirore wacũ tutuayequina pehe tiquinata ijiaga Cohãcǵũ pohne. Sa ye tiquinata ijire Abrahã panamena iji turiayequina waro. ⁹Ohõ saha niahye Cohãcǵũ Abrahãre: “Ape cũhma ahri pje borota yũhu majare tojoa tagũ mũhu namono Sara nijinogãre cũrota mũhu macũre”, niahye Cohãcǵũ Abrahãre. Sa nino Cohãcǵũ Abrahã macũno tiquiro masa bajuatire yahuyuro niahye.

¹⁰Came Isaac namono Rebeca wame tiricoro duita pũaro pohna tiahye. Tiquina pacũro Isaac usã ñecũ mũnãno iji turiariquiro ijiahye. ¹¹⁻¹²Sa ye tiquina pohne tiquina masa bajuato pano quehnoañene, ñãñe gũhũre tiquina yeato pano Cohãcǵũ tiquina pacoro ijaticorore ohõ saha nie tiahye: “Tiquiro bahũro pehe tiquiro wahminore dutirota. Sa yero tiquiro pũhtoro ijirota”, nie tiahye ticorore. Cohãcǵũ tiquiro cahmeno sahata besere tiquiro. Sa beseriquiro ijiro ihcãquirogãre besero ticorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere. ¹³Sata ni ojoahye tiquiro yere tiquina ojoari pũpũ: “ ‘Jacob pehere cahĩe tii. Sa yegũ Esaũ pehere cahĩeda tii’, niahye Cohãcǵũ”, ni ojoahye panopũ.

¹⁴¿Tire wacũna dũhse ni tuhotuhoari mari? ¿Tiquina yeyere ihñedaperota ihcãquirore sa besero Cohãcǵũ queoro yeraboari, mũsa tuhotugũ? Ijierare. ¹⁵Ohõ saha nie tiahye Cohãcǵũ Moiserere: “Yũhu cahmediquiro dihitare paja ihñautja”, niahye tiquiro Moiserere. Sa yero ihcãquirore sa besero potota yero niahye Cohãcǵũ. ¹⁶Sa yena mari esa tuharo mari cahmeno saha Cohãcǵũre marine paja ihñagũ yeraja mari. Sa yero ne mari quehnoañene mari yeri wapa gũhũre marine paja ihñedare tiquiro. Tiquiro esa tuharo tiquiro cahmeñequina pehere paja ihñare. ¹⁷Sa yero sata tiquiro esa tuharo yeahye Egipto cǵena pũhtoro gũhũre. Ohõ saha niahye Cohãcǵũ tiquirore faraõre: “Egipto cǵena pũhto ijiajũre cũgũ nii mũhũre yũhu tutuayere ijipihtiyequinare yũhu ihñoatire. Sa yegũ ijipihtiyे yehpari cǵena yũhũre tiquina masiatire pũhto sũu nii yũhu mũhũre”, niahye Cohãcǵũ tiquirore. Ohõ sahata nine Cohãcǵũ yere tiquina ojoari pũpũ. ¹⁸Sa yero tiquiro cahmeñequinare tiquiro esa tuharo paja ihñare tiquiro. Sa yero tiquiro esa tuharo apequinare yũhtieragũ yere tiquiro. Sa yero Cohãcǵũ tiquiro cahmediro sahata yere.

¹⁹Tiquiro sa yeriquiro ijigũ ihñana yũhu pehere ohõ saha niboaga mũsa: “Cohãcǵũ marine tiquiro cahmediro sahata tiquiro yegũ mari pehe tiquirore yũhdũdũca masisi. ¿Mari sa yũhdũdũca masiedapegũta dũhse ijiro boro marine buhiri dahre duajari tiquiro?” ni pihopũri sinituboaga mũsa yũhũre. ²⁰Ohõ saha ni yũhtiaja mũsare: “¿Masa ihyo ijina ijiepenata Cohãcǵũre tuhtiajari mũsa? Dihi sutu dahreriquirore ¿Dũhsegu yũhũre ohõ saha ijiri sutu yeri mũhu?” ti sutu ni sinituboriro saha nina niaga mũsa Cohãcǵũre. Sa ni masiedare mũsa. ²¹Dihi sutu dahreriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia

dihî yũbũ mehnata ihyo ijyere pose yeati sutu gãhũre ye masine tiquiro. Tiquiro yero saha Cohãcjũ gãhũ tiquiro ye duaro sahata yere.

²²Sa yero Cohãcjũ pecapũ tiquiro cohãtiquinare tiquina ñãñe yerire tiquiro ihña usuario tiquinare buhiri dahre duamahye. Sa buhiri dahre dueperota, yoari pje tiquina ñãñe yeyere sa ihña cãñahye, ijipihtyequinare tiquiro buhiri dahreatire, tiquiro tutuayere ihñono taro. ²³Sata yeahye Cohãcjũ tiquiro quehnoa butiariquiro tiquiro ijyere, tiquiro tutuaye gãhũre mari masiatire. Panopũ marine tiquiro paja ihñanohanajare tiquiro beseahye, ijipihtye tiquiro tutuayere tiquiro quehnoañene mari cœoatire. ²⁴Sa yena mari pehe tiquiro beserina ijinata nãja. Sa ye tiquiro beseriquina pehe ihquẽquina judio masa dihita ijierare. Ihquẽquina judio masa ijieyequina gãhũ ijire tiquiro beseriquina. ²⁵Sata nine judio masa ijieyequinare Cohãcjũ yere Osea mũnano tiquiro ojoariro sahata:

Yeequina ijieyequina gãhũre camerũ tiquinare “Yeequina ijire”, niitja. Sa yegũ yũhũ cahĩeñequina gãhũre camerũ tiquinare “Yũhũ cahĩna ijire mũsa”, niitja, nãhaye Cohãcjũ. ²⁶“Yeequina ijierare mũsa”, Cohãcjũ tiquiro nimeri yehpari cjẽna tiquina Cohãcjũ catiriquiro pohnetã ijietã, ni ojoahye Osea panopũre.

²⁷Sa yero panopũ cjãno Isaia mũnano Israe masare ohõ saha ni yahuahye: “Pajiri ma cjẽ padũ pjerigãre mari queona cuedaja. Israe masa ti padũ pjerigã yero saha ijieyequina peyequina ijiepegũta meheñequinagã Cohãcjũ yũhdœorota tiquinare. ²⁸Cohãcjũ ahri yehpa cjẽnare peyequina masare sojaro mehna potota buhiri dahre madoqueorota”, nãhaye Isaia. ²⁹Sa yero pari turita ohõ saha ni ojoahye Isaia:

Mari pũhtoro ijipihtyequina pũhtoro meheñequinagã mari mehna cjẽnare yũhdœoeraro, marine judio masare ijipihinare butigũ yeboya tiquiro. Sodoma cjẽnare, Gomorra cjẽna gãhũre tiquiro butigũ yeriro sahata mari gãhũre butigũ yeboya tiquiro, ni ojoahye Isaia yũhũ acaye Israe masare tiquiro yeato panopũ.

Judio masa quehnoañe buheyere cahmedahye

³⁰Sa tjire. Sa yena ahrire masi nemoña mũsa: Judio masa ijieyequina Cohãcjũre macaedapeta tiquirore bocare. Jesucristore tiquina wacũ tutuagũ, “Quehnoañequina ijire”, ni ihñari tiquinare Cohãcjũ. ³¹“Cohãcjũ dutiyere mari yegũ tiquiro marine yũhdœorota”, niñe judio masa pehe Cohãcjũ Moiserẽ tiquiro dutiyere yepeta, cuedari. Sa yero ti dutiyere tiquina yepegũta Cohãcjũ “Quehnoañequina ijire”, ni ihñedari. Sa ye quehnoañequina iji duepeta cuedari. ³²Ohõ saha ye, tiquina cuedari: Tiquina Cohãcjũre wacũ tutuaro marieno tiquina esa tuharo Moiserẽ tiquiro dutirire ye duamedi, tiquiro yequina iji duaye. Mari queoye mehna buhegũ Cristo utã yero saha ijiriquire ijire. Omaperiquiro utãpũ doque wahã sa bora quehero, tiquiro esaborirore ne eserare. (Tiquiro yero saha tiquina Cristore utã yero saha ijiriquire cahmeeñequina Cohãcjũ cahapũ ne esasi.) ³³Sata ni ojoahye Cohãcjũ yere tiquina ojoari pũpũ:

Jerusalē wame tiri macapɥ utā yero saha ijiriquiروه cūgɥ niaja. Mari queoye mehna buhegɥ ohō saha ijire: Omaperiquiروه utāpɥ doque wahā sa bora quehero tiquiروه esaboriروه eserare. (Tiquiروه yero saha ti maca cǵɥna utā yero saha ijiriquiروه tiquina cahmedari buhiri Cohācǵɥ cahapɥ ne esasi. Tiquiروه pehe tiquinare topɥre waha dutisi.) Sa ye tiquiروه wacū tutuayequina pehe quehnoano bucueeta, ni ojoahye.

10 ¹Yɥhɥ acaye, Israe masare pecapɥ wahaboriquinare Cohācǵɥ tiquiروه yɥhdɥoatire, tutuaro yɥhɥ jeripohna mehna cahmesāja yɥhɥ. Sa yegɥ Cohācǵɥ tiquinare tiquiروه yɥhdɥoatire sini basaja yɥhɥ. ²Potota tiquina Cohācǵɥ cahmeñene ye duamene. Sa ye duepeta tiquiروه cahmeñene masiedare. ³Sa ye tiquinare Cohācǵɥ tiquiروه quehnoañequina wahagɥ yeborire tiquina masiedare. Sa masiedaye tiquina esa tuharo quehnoañene yepeta, cūedari. Tiquina sa yegɥ Cohācǵɥ tiquiروه wacū tutua dutiriرو sahata tiquina yeragɥ ihñano, tiquiروه pehe tiquinare “Quehnoañequina ijire”, ni ihñedari. ⁴Ijipihtiyequinare Cristore wacū tutuayequinare “Quehnoañequina ijire”, ni ihñare Cohācǵɥ. Sa yena dutiye yeye mehna yɥhdɥ witieraja mari. Cristo mehna yɥhdɥaja.

⁵Moise mɥnano panopɥ cǵɥno ohō saha ni ojoahye: “Cohācǵɥ dutiriرو mari duhuro marieno ye pehogɥ Cohācǵɥ yɥhdɥorota marine”, ni ojoahye tiquiروه. ⁶⁻⁷Tiquiروه sa ni ojoaepɥgɥta yojopɥre masa Cristore tiquina wacū tutuagɥ Cohācǵɥ tiquinare “Quehnoañequina ijire”, ni ihñare. Ti buheye quehnoañequina wahagɥ yeri buheye ohō saha ni yahure: Cristo tiquiروه basi ahri yehpɥpɥ wihi tuhasari jiri. Sa yero masa mɥja tuhasari jiri. Sa yena ohō saha ni tɥhotueracāhña mɥsa: “¿Diquiروه pehe ɥhmɥsepɥ Cristore ne cāhta basaro wahaboagari marine tiquiروه yɥhdɥoato saha? ¿Diquiروه pehe yariariquina cahapɥ Cristore maso basaro ne cāhtaboagari? Tiquiروه ne cāhtaboriquiروه mariedare”, ni tɥhotueracāhña mɥsa. ⁸Sa yero ohō saha ni yahure Cohācǵɥ yere tiquina ojoari pɥpɥ: “Cohācǵɥ ye buheyere mari macagɥ ti buheye ohōpɥ ijire. Ti buheyere masi tuhasare mɥsa. Sa yena ti buheyereta yahuducue tire mɥsa”, ni ojoahye. Ti buheyere Cristore wacū tutuaye buheyere masare yahuaja usā. ⁹Ti buheye ohō saha ni yahure: “Jesu mari pɥhtoro ijire”, ni mari yahugɥ, “Cohācǵɥ Jesure yariariquiروه potota masori”, ni mari tɥhotugɥ, Cohācǵɥ marine pecapɥ wahaborinare yɥhdɥorota. ¹⁰Jesure mari wacū tutuagɥ Cohācǵɥ pehe marine “Quehnoana ijire”, ni ihñanota. Sa yero Jesure mari wacū tutuayere apequinare mari yahugɥ tiquiروه marine pecapɥ wahaborinare yɥhdɥorota.

¹¹Ohō saha nine Cohācǵɥ yere tiquina ojoari pɥpɥ: “Cohācǵɥre wacū tutuayequina tiquiروه tiquina wacū tutuarire ne bujɥa witisi”, niahye Cohācǵɥ yere tiquina ojoari pɥpɥ. ¹²Judio masare, judio masa ijieyequina gɥhɥre Cohācǵɥ ihcāno saha yedohore. Mari pɥhtoro ijipihtiyequina pɥhtoro ijire tiquiروه. Sa yero ijipihtiyequinare tiquiروه siniñequinare quehnoano pajiro ohorota tiquiروه. ¹³Ohō saha ni ojoahye panopɥre: “Yɥhɥ ñañene cohāña. Sa yegɥ yɥhɥre yɥhdɥoya’, ni mari pɥhtorore masa tiquina sinigɥ tiquinare pecapɥ wahaboriquinare mari pɥhtoro yɥhdɥorota”, ni ojoahye Cohācǵɥ yere. ¹⁴Sa ye masa Cristore wacū

tutueraye tiquirote sini masiedare tiquina. Sa ye tiquiro buheyere tuhoyere, tiquirote wacū tutua masiedare. Sa ye tiquiro buheyere yahuriquiro mariedagū tire tiquina ne masisi. ¹⁵Sa ye tiquiro ye buheyere yahuatiquinare Cohācjū pehe tiquiro ohoeragū tiquiro ye buheyere yahu masiedare. Tire ojoahye Cohācjū yere tiquina ojoari pūpū: “Quehnoañe buheyere yahuatiquina tiquina ahtagū ihñana quehnoano bucueaja mari”, ni ojoahye panopre.

¹⁶Ti sa ijiepegūta masa peyequina quehnoañe buheyere tuho duerare. Sata ni ojoahye Isaia mūnano: “Pūhto, tiquinare mari yahurire tiquina ne tuho duerari”, ni yahuahye Isaia Cohācjūre. ¹⁷Sa ye masa quehnoañe buheyere tuhoye Cristore wacū tutuari. Sa ye Cristo yequina tiquiro yere tiquina yahugū, tiquiro ye buheyere tuhore masa.

¹⁸Sa yegū ahrire sinitu duaja mūsare: ¿Israe masa Cohācjū yere tuhoera tiari, mūsa tuhutugū? Poto waro tiquina tuhomedī. Sata nine Cohācjū yere tiquina ojoari pū gūhū:

Cohācjū yere yahuyequina ijipihitropū yahu siteye wahari. Sa ye ijipihitro cjēnapū tiquiro yere tuhori, ni ojoahye panopre.

¹⁹Pari turi mūsare sinitu duaja tja: ¿Israe masa tuhoepeta quehnoano masiedari tiquina, mūsa tuhutugū? Masie timahye. Ahrire yahu nemogū Moise nidire yahu mūhtatjta. Ohō saha ni ojoahye tiquiro:

Ohō saha ni yahure Cohācjū Israe masare: “Tuho masieñequina, ñañequina, ihyo ijieyequina ijire”, ni mūsa ihñañequinare yeequina ijiatiquina yeitja. Yūhū sa yegū mūsa pehe tiquinare ihña coonata. Sa yegū mūsare usuagū yeitja yūhū, ni yahuri Cohācjū Israe masa ijieyequinare tiquiro yequina ijigū yero taro, ni ojoahye Moise.

²⁰Ape pūpūre Isaia cuero marieno ohō saha niahye:

Ohō saha nine Cohācjū: Yūhūre macaedariquina pehe yūhūre bocari.

Sa yegū yūhūre cahmeeñequinare tiquinare yūhūre masigū yei yūhū, nidi Cohācjū, ni ojoahye Isaia judio masa ijieyequinare.

²¹Israe masa pehere ohō saha ni ojoahye Isaia: “Ohō saha nine Cohācjū: Tiquina yūhūre yūhdūdcayequina, yūhūre cahmeeñequina ijire. Sa yegū tiquinare tiquina ñañene bujua witi dutigū ‘Yeequina ijiya’, sa niducumi tiquinare”, nidi Cohācjū, ni ojoahye Isaia.

Meheñequinagā Israe masare pecapū wahaboriquinare yūhdūorota Cohācjū

11 ¹¿Sa yero Israe masare Cohācjū tiquiro beseriquinare yojopre cohāyari tiquiro, mūsa tuhutugū? Ijierare. Tiquinare cohāedari tiquiro. Yūhū gūhū Israe masū, Abrahā panami iji turiagapū ijijaja. Sa yegū Benjami ya curua cjū ijijaja yūhū. ²Panopre Israe masare Cohācjū besee tiahye. Tiquiro sa beseriquinare cohāedari. Cohācjū yere tiquina ojoari pūpū Elia mūnano tiquiro yerire yahure. ¿Ti pūpū Israe masare Elia Cohācjūre tiquiro yahusārire masiedajari mūsa? Ohō saha ni yahusāhye tiquiro: ³“Pūhto Cohācjū, tiquina Israe masa mūhū yere yahu mūhtariquinare wejēdi. Sa ye tiquina mūhūre wacū usā ño peoye altarire

cohāri. Sa yegu yuhū dihita mūhū yaquiro dūhsaja yojopure. Yuhū sa ijigū tūhoye yuhū gūhure wejē duare tja, yojopure”, niahye Elia Cohācjūre. ⁴Tiquiro sa nigū tūhoro Cohācjū pehe ohō saha ni yūhtiahye Eliare: “Siete mil ūmūa yeequina ijire yojopure. Tiquinare ihbou yuhū. Baal wame tiriquiro queoyere ne ño peera tiri tiquina, yeequina”, niahye Cohācjū Eliare panopure cue dutieraro. ⁵Ti pjere Elia tiquiro ijiri pjere tiquiro yequina masare beseriro sahata yojopū gūhure meheñequinagā Israe masare tiquiro yequina ijiatiquinare beseri jiri Cohācjū. Cohācjū tiquinare paja ihñano beseri jiri. ⁶Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene mūsa yeri wapa mū sare beseitja”, nino, tiquiro tiquinare potota paja ihñano niedaboya.

⁷Sa ye ohō saha ijire. Israe masa Cohācjū tiquinare “Quehnoañequina ijire”, tiquiro ni ihñagū cahmepeta tiquina ihcāno sahaerari. Cohācjū tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcāno sahaeraye, tiquina pehe tiquiro yere tūho duerari. ⁸Sata niahye Cohācjū yere tiquina ojoari pūpū: “Cohācjū tiquirore cahmeeñequinare tiquiro yere tūhoyequina ijigū yeri. Sa yero potota ijiyere tiquina tūhopegūta tiquinare quehnoano tūhogū yerari Cohācjū. Sata ijiducure tiquina yojopū gūhure”, ni ojoahye panopure. ⁹Sa yero ohō saha niahye Davi panopū cjūno Cohācjūre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegū ihñagū buhiri dahreya mūhū. ¹⁰Tiquinare quehnoano tūhoeragū yeya mūhū. Sa ye sa buhiri tiducuyequina ijiahiro tiquina. Sa ye sa bujūa witiducuetā, niahye Davi Cohācjūre.

Judio masa ijieyequinare pecapū wahaboriquinare yūhdūorota Cohācjū

¹¹ ¿Judio masare Cristore tiquina cahmedagū ihñano Cohācjū tiquinare cohāno, cohā bo cāno niboari, mūsa tūhotugū? Cohā bosī tiquinare. Sa cohāedaperota tiquina Cristore tiquina cahmedagū yojopure judio masa ijieyequina pehere Cohācjū yūhdūorota. Yojopure tiquinare tiquiro yequina wahagū yeri Cohācjū. Tiquiro sa yegū ihñañe ihquēquina judio masa pehe tiquinare ihña cooboa. ¹²Judio masa tiquina yūhdūducagū tiquina quehnoano yeragū apequina pehere ahri yehpa cjēnare ihquēquinare Cohācjū yūhdūori. Tiquiro sa yūhdūogū tiquina pehere quehnoano wahari. Tiquiro sa yeriro yūhdūoro, came judio masa pehe Cristore tiquina quehnoano wacū tutua dūcagū pūritare ahri yehpa cjēnare quehnoa yūhdūaro waharota.

¹³Yojopure mū sare judio masa ijienare yahugū tūn niaja. Cristo cūri yūhure judio masa ijieyequinare buheacjūre. Sa buhegū ihyo waro yei niedaja. ¹⁴Sa niaja yuhū acayere judio masare mū sare tiquina ihña coogū ye duagū. Cohācjū yūhdūorina mūsa ijigū ihñañe tiquina gūhū Cristore cahme, tiquiro yūhdūoriquina wahaboa. ¹⁵Judio masare mehenogā cohābo curero, judio masa ijieyequina pehere quehnoañe buheyere Cohācjū yahu dutiri. Ti buheyere tiquina tūhori bato Jesure tiquina wacū tutuari bato ihquēquina ahri yehpa cjēna Cohācjū yequina wahari. Sa ye judio masare mehenogā tiquiro cohābo curegū quehnoano wahari ahri

yehpa cjenare. Tiquiro sa yeriro yuhduoro judio masare tiquiro yequina ijatiquina tiquiro yegũ pũrita quehnoa yuhduaro waharota ahri yehpa cjenare. Tiquiro yequina tiquina wahagũ peyequina masa Jesure wacũ tutuayequinare pecapũ wahaboriquinare yuhduorota. ¹⁶Ohõ saha ijire: Mehenogã trigo yubũ Cohãcjũre ño peo tiquina duhu peori yubũ quehnoari yubũ Cohãcjũ tiquiro yegũ, dahsari yubũ gũhu quehnoari yubũta ijire. Sa yero yucugũ nuhcori quehnoagũ, tu dũpũri gũhu quehnoañe dũpũri ijire. (Ohõ saha mari ni queoye mehna buhegũ Abrahã usã ñecũ mũnano quehnoariquiro tiquiro ijiriro sahata tiquiro panamena jji turiayequinapũ gũhu quehnoañequina ijietã Cristore wacũ tutuayequina ijije.)

¹⁷Ihquẽquina sa ijatiquina tiquina ijiepegũta apequina tiquina acaye pehere judio masare Cohãcjũ mehenõ cohãbo cureri. Olivo wame tidũ dũpũrire ihquẽ dũpũrire tiquiro dũte cohãboriro saha apequina judio masa pehere Cohãcjũ mehenõ cohãbo cureri. Sa yucugũ dũpũrire cohãno tiquiro cohãri dũpũri ijiriroapũ apeye dũpũrire nucũ cjãnu olivogũ dũpũrire camesa doho ohõri. Sata Cohãcjũ mũsare judio masa ijienare Abrahã panamena jji turianare camesari mũsare, mũsa gũhũre yuhduoro taro. ¹⁸Mũsare tiquiro sa cũgũ “Judio masa yuhduoro quehnoana ijiaja usã”, ni tuhõtuercãhña. Ahrire yuhũ yahuatire wacũña mũsa: Judio masa pehere bese mũhtahye Cohãcjũ. Sa besero tiquina acayũro ijiatiquirore cũahye Cristore, marine yuhduoro taro. Sa yena “Judio masa yuhduoro quehnoana ijiaja”, ni tuhõtuercãhña mũsa.

¹⁹Mũsa judio masa ijiena pehe ohõ saha niboa: “Ihquẽ ñañe dũpũrire tiquiro cohãboriro saha Cohãcjũ judio masare cohãbo cureri ihquẽquinare. Sa cohãbo cureri tiquiro apeye dũpũrire camesa tiquiro doho ohõno saha tiquiro yequina marine cũno taro”, niboa mũsa judio masare yuhduũca duana. ²⁰Ti mũsa niñe ijirota ijire. Sa ijiepegũta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero mũsa gũhũre Jesure mũsa wacũ tutueragũ tiquiro yequina ijianaja mũsare cũedaboaya. Sa yena “Judio masa yuhduoro quehnoana ijiaja usã”, niedacãhña mũsa. Sa niedana Cohãcjũre quehnoano ño peoya. ²¹Uhmũ tãñe dũpũri yero saha judio masa pehe Cohãcjũ yequina jji mũhtahye. Tiquiro camesari dũpũrire tiquiro doho ohõboriro saha camepũ Cohãcjũ tiquiro yequina mũsa pehere cũahye. Sa yero tiquiro yequina jji mũhtariquina judio masa tiquirore tiquina wacũ tutueragũ, tiquinare cohãbo cureri. Tiquinare tiquiro cohãriro saha mũsa gũhũre cohãnota, tiquirore mũsa wacũ tutueragũ. Sa yena Cohãcjũre quehnoano ño peoya mũsa. ²²Cohãcjũ mũsare quehnoano yeriquiro tiquiro ijigũ masiña mũsa. Sa yena cua pesarõ mehna buhiri dahreriquiro tiquiro ijigũ gũhũre masiña mũsa. Tiquirore ño peoyequinare tiquiro buhiri dahrerota. Sa mũsa tiquirore ño peoducugũ pũrita mũsare quehnoano yerota tiquiro. Ño peerana ñañe dũpũrire tiquiro cohãboriro saha mũsa gũhũre cohãnota Cohãcjũ. ²³Sa yero judio masa tiquiro cohãbo cureriquina Cristore tiquina wacũ tua dũcagũ, yucugũ dũpũrire masa tiquina doho ohõno saha Cohãcjũ tiquiro yequina ijigũ yerota tiquinare. Cohãcjũ tiquiro sa yeati tutuayere cũori. Sa yero tiquiro tiquinare ihquẽquinare tiquiro yequina wahagũ yerota. ²⁴Mũsa judio masa ijiena ijina, nucũ

cjãnu olivogu dũpũri yero saha ijire mũsa. Sa ijina mũsa ijiepegũ olivogu otedũpũ nũcu cjẽ dũpũrire masa tiquina ohõno saha Cohãcjũ mũsare tiquiro yequina ijigũ yerota. Judio masa Cohãcjũ tiquiro bese mũhtariquina ijire. Sa yero tiquiro bese mũhtarina mũsa ijierapegũta tiquiro yequina mũsare ijigũ yeri tiquiro. Judio masare tiquiro bese mũhtariquina pehere tiquiro yequina ijigũ ye duare. Tire tiquiro yegũ mũsare yero yũhdũoro mijoeda cjũre.

Came judio masare pecapũ wahaboriquinare yũhdũorota Cohãcjũ

²⁵Yũhu acaye, ahrire masa tiquina masiedarire mũsare yahutja. “Yojoþũre usã dhitare besere Cohãcjũ. Usã pehe masi peho cjã”, mũsa ni tũhotuerato saha ahrire yahutja. Ohõ saha ijire: Yojoþũre peyequina judio masa Cohãcjũre tũho duasi. Sa ye peyequina judio masa ijieyequinare Cohãcjũ tiquiro queoriro puno tiquiro yequina tiquiro yeri bato judio masa pehe tiquirore cahmeeta. ²⁶Tiquina sa cahmegũ ijipihtiyequina tiquirore cahmeñequinare judio masa pecapũ wahaboriquinare Cohãcjũ yũhdũorota. Cohãcjũ yere tiquina ojoari pũpũ sata ni ojoahye:

Jerusalẽ wame tiri macapũ judio masa ya macapũ tiquinare yũhdũoatiquiro ahtarota. Sa yero Jacob panamena iji turiayequinare tiquina ñañe yerire tiquiro cohãnota. ²⁷Sa yegũ tiquinare yũhdũogu panopũ tiquinare yũhu ni cũriro sahata yei niaja, nidi Cohãcjũ, ni ojoahye Cohãcjũ yere tiquina ojoari pũpũ.

²⁸Yojoþũre tiquina judio masa Cristo yere ño peoyequina Cohãcjũre ihña tuhtire. Tiquina sa yegũ yojoþũre mũsa pehe judio masa ijiena Cristore wacũ tutua dũcari. Judio masa pehere Cohãcjũ bese mũhtahye. Sa yero judio masa ñecũsumña mña panopũ cjẽna tiquiro beseriquina tiquina ijigũ yojoþũ ijieyequina judio masa gũhũre tiquiro cahine. ²⁹Cohãcjũ tiquiro ni cũriro sahata masare tiquiro beseriro sahata potota yerota tiquiro. Tiquiro nidire bosu tiquiro. ³⁰Panopũre mũsa gũhu Cohãcjũre yũhdũdũcari jiri. Yojoþũre judio masa Cohãcjũre tiquina yũhdũdũcagũ ihñano tiquiro mũsa pehere paja ihñano yũhdũori. ³¹Yojoþũre judio masa tiquirore yũhdũdũcari. Tiquina sa yepegũta Cohãcjũ mũsare tiquiro paja ihñariro sahata tiquina gũhũre cameþũre paja ihñanota. ³²Ohõ saha ijire: Ijipihtiyequina masare “Buhiri tiyequina ijire”, nine Cohãcjũ. Sa yero ijipihtiyequina buhiri tiyequina tiquina ijigũ ihñano ijipihtiyequinare paja ihña masine tiquiro.

³³Yohou. Cohãcjũ tutua yũhdũariquiro ijiajari. Quehnoano masi pehoriquiro ijire tiquiro. Sa yero tiquiro tũhotuyere, tiquiro yerire marine quehnoano masino basioerare. ³⁴Ohõ saha ni ojoahye Cohãcjũ yere: “Cohãcjũ mari pũhtoro tiquiro tũhotuyere ne masa quehnoano masiedare. Sa ye masa tiquirore ‘Ohõ saha yeya’, ni masiedare. ³⁵Sa ye masa Cohãcjũre apee borore tiquina ohori bato ‘Tiquiro marine wapamore’, ni masiedare masa”, ni ojoahye panopũre. ³⁶Cohãcjũ ijipihtiyere yeahye. Sa yero tiquiro tutuaye mehna ijipihtiyere ijigũ yere tiquiro. Sa ye ijipihtiyere tiquiro ye ijire. Tiquiro sa ijiriquiro ijigũ ijipihtiyere decori tiquirore ño peouhna mari. Sata yeducuuhna.

Cohācjū cahmeñene marine yeducu dutiahye Pablo

12 ¹Cohācjū marine tutuaro paja ihñari. Tiquiro sa paja ihñariquiro ijigū ihñana yuhū acaye, mūsa basita Cohācjū yere yeducuya. Sa yena quehnoañe pehere comesarina, ñañe mariena ijiya. Mūsa sa ijigū tiquiro bucuero. Sata yero cahmene marine Cohācjūre ño peona. Sa yegu mūsare tire tutuaro ye dutiaja. ²Ahri yehpa cjēna ñañequina tiquina yero saha ye nemoedacāhña mūsa. Sa yena mūsa tuhotyepure quehnoañe pehere comesaya mūsa. Sa yena quehnoañe pehere comesarina ijinata mūsa. Sa comesana Cohācjū mūsare tiquiro ye dutirire masinata mūsa. Sa yena quehnoañene, Cohācjū cahmeñene, ñañe marieñene masinata mūsa.

³Cohācjū yuhūre paja ihñano mūsare buhe dutiro beseri yuhūre. Sa yegu ijiphtinare mūsare ahrire ni dutieraja yuhū. “Quehnoa yuhūana iji yuhūducaja ūsā”, ni tuhoturacāhña. Sa tuhotu cāhña. Jesure mūsa wacū tutuari bato Cohācjū mūsare tiquiro yedohoro punota “To punota ye masiaja ūsā”, ni tuhotuya. ⁴Ohō saha ni yahu nemoutja yuhū: Mari omocari, mari dahpocāri, mari caperi, ijiphtiro mari pagurū ijiye peye ijire. Mari pagurū ijiye ihcā pagurū ijiepetā sijoro saha ijiye dahraye dihitare cūore. ⁵Mari queoye mehna buhegū ahri yero saha ijire. Cristo pagū yero saha ijina ihcā curuata ijaia mari. Sa yena mari ijiphtina peyequina ijiepenata ihcā curuarūta ijaia mari.

⁶Cohācjū marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere cūre tiquiro. Tiquiro sa yegū marine tiquiro cūrire mari quehnoano yehna. Sa ye Jesu yequina ohō saha yeahro. Ihquēquinare Cohācjū tiquiro yere yahuatiquinare cūre. Sa ye tiquina Cristore tiquina masino puno tiquiro yere quehnoano yahuahro. ⁷Ihquēquinare Cohācjū masare yedohoatiquinare cūre. Sa ye tiquina masare quehnoano mehna yedohoahro. Ihquēquinare Cohācjū masare buheatiquinare cūre. Sa ye tiquina masare quehnoano buheahro. ⁸Masare bucuegū yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecuoyequinare yedohoyequina bucueye mehna yedohoahro.

Jesu yequina ijina ohō saha yena ijiya

⁹Apequinare cahña, potota cahña tiquinare. Sa yena ñañene ihña yabina ijiya mūsa. Sa yena quehnoañe pehere cahmeña. ¹⁰Mūsa bahanare mūsa cahño sahata Jesu yequinare mūsa mehna cjēnare cahña. Sa yena mūsa mehna cjēnare quehnoano cahme ño peoya.

¹¹Cohācjū cahmeñene yena, ne caperacāhña. Sa yena mari pūtoro tiquiro dutiriro sahata quehnoano bucueye mehna yeya.

¹²Cohācjū mūsare pecarū wahaborinare tiquiro yuhūorinarū ijire mūsa. Tire masina bucueya mūsa. Sa yena ñano yuhūana, ihcāno sahaya “Cristo yere duhuari”, nina. Sa yena Cohācjūre sa siniducuya.

¹³Apee boro Jesu yequinare d̄hsaḡũ ohoya tiquinare. Sa yena m̄sa ye w̄h̄sepē masa tiquina esaḡũ quehnoano jeripohna ti, tiquinare piti caya.

¹⁴M̄sare ñano yeyequina pehere quehnoa dutiya. Sa quehnoa dutina, tiquinare “Ñano ȳhd̄c̄ũnahdo”, niedac̄ãh̄ña.

¹⁵Apequina bucyequina mehna ijina m̄sa ḡũh̄ bucueya. Sa yena utiyequinare ih̄ñana, uti dohoya.

¹⁶M̄sa mehna c̄j̄ena mehna quehnoano ijiya m̄sa. Sa yena “Apequina ȳhd̄oro quehnoana ijijaja”, ni t̄hotuerac̄ãh̄ña. Oh̄o saha ni t̄hotuya. “Thyo ijina ijijaja”, ni t̄hotu, ihyo ijiyequina mehna ijiya. Sa yena “Masi ȳhd̄dc̄cana ijijaja ʘs̄ã”, ni t̄hotuerac̄ãh̄ña.

¹⁷Apequina m̄sare tiquina ñano yepeḡũta, tiquinare ñano ye cahmedac̄ãh̄ña. Sa yena quehnoañene yeya, quehnoana m̄sa ijiye tiyere ijipih̄tiyequina masa tiquina masiatire. ¹⁸Tuturo mehna quehnoañene yeya m̄sa, ijipih̄tiyequina mehna m̄sa quehnoano ijiatire. ¹⁹M̄sa ȳh̄h̄ cah̄ina, ȳh̄h̄ acaye apequina m̄sare tiquina ñano yepeḡũta tiquina yero saha ñano ye cahmedac̄ãh̄ña. Coh̄ãc̄j̄ũ pehe m̄sare tiquina ñano yeri buhiri buhiri dahreahro tiquinare. Coh̄ãc̄j̄ũ yere tiquina ojoari p̄p̄ sata ni ojoahye: “Ȳh̄h̄ pehe masa tiquina ñano yeri buhiri buhiri dahreac̄j̄ũ ijijaja. Sa yeḡũ potota buhiri dahreit̄ja’, nine mari p̄h̄toro”, ni ojoahye panop̄re. ²⁰Sa yena oh̄o saha yeya m̄sa: “M̄sare ih̄ña tuhtiriquiro tiquiro ʘj̄ũa ahbaḡũ ih̄ñana nuña tiquirore. Tiquiro aco w̄oḡũ ih̄ñana tiquirore silh̄ña. M̄sa sa yeḡũ ih̄ñano tiquiro b̄e tirota”, nine mari p̄h̄toro. ²¹Sa yena apequina m̄sare tiquina ñano yepeḡũta m̄sa pehe tiquinare ñano ye cahmedac̄ãh̄ña. Sa yena tiquinare quehnoano yeya. Sa yena ñañene ye d̄erana ninata m̄sa.

13 ¹Ijipih̄tiyequina p̄h̄toare Coh̄ãc̄j̄ũ dihita c̄ũre. Sa yero m̄sa p̄h̄toa ḡũh̄re Coh̄ãc̄j̄ũ bese c̄ũre. Tiquiro sa c̄ũriquina tiquina ijiḡũ ih̄ñana ijipih̄tina m̄sa tiquinare ȳh̄tiya. ²Mari bui c̄j̄ena p̄h̄toare quehnoano ȳhtierana Coh̄ãc̄j̄ũ tiquiro bese c̄ũriquinare ȳhd̄dc̄cana niaga mari. Sa ȳhd̄dc̄cariquinare Coh̄ãc̄j̄ũ pehe buhiri dahrerota. ³Quehnoañequinare cueḡũ yeatiquina ijierare p̄h̄toa. Ñañene yeyequina pehere cueḡũ yeatiquina ijire tiquina. Quehnoañene yeya m̄sa p̄h̄toare m̄sa cueratire. Sa yena c̄uesi m̄sa. Quehnoañene m̄sa yeḡũ p̄h̄toro pehe “Quehnoano yeri m̄sa”, m̄sare ninota. ⁴M̄sa p̄h̄toa m̄sare yedohoatiquinata ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijipih̄tiyequina ñañene yeriquinare buhiri dahre dutiro Coh̄ãc̄j̄ũ tiquinare beseri. Tiquina sa buhiri dahreatiquina ijiḡũ ñañene yena m̄sa p̄h̄toare cueya. ⁵Sa yena mari p̄h̄toare ȳhtina, tiquina buhiri dahreatire cuerac̄ũh̄na. Sa yena ño peoye mehna “Quehnoañene yero cahmene ȳh̄re”, ni t̄hoturo mehna quehnoano ȳhtih̄na. ⁶M̄sa p̄h̄toare tiquina dahrayere c̄ũri Coh̄ãc̄j̄ũ. Sa yena tiquina dahrayere tiquina yeḡũ ih̄ñana m̄sa p̄h̄toare wapa ne cohteyequinare wapa yere m̄sa.

⁷Ijipih̄tiyequinare m̄sa p̄h̄toare quehnoano ȳhtiya. Sa yena p̄h̄toare wapa ne cohteyequinare wapa yeya m̄sa. Sa yena p̄h̄toa pehe apeyere

tiquina wapa ye dutigũ gũhũre wapa yeya. Sa yena ijipihtiyequina pũhtoare quehnoano ño peoya. ⁸Apequina masare wapamoedacãhña. Tiquinare cahĩno cahmene. Sa ye cahĩ nemono cahmene. Tiquiro cahapũ ijiriquireore cahĩdiquiro Cohãcjũ dutiyere ye peho tuhasariquireo ijire. Sa yena mũa caha ijiyequina gũhũre cahĩña. ⁹Ohõ saha nine Cohãcjũ dutiye: “Apequireo namono mehna ñano yeracãhña. Masare wejẽdacãhña. Yaqueracãhña. Apequina yere tutuaro cahmedacãhña”, ni yahure tiquiro dutiye. Apeye dutiye gũhũ ijire. Sa ijiepegũta ihcãno dutirore mũsare yahugũ tuũ niaja. Ti dutiro ihcãno dutiro ijiepegũta ti dutirore yena, Cohãcjũ dutiyere ye pehona niaja mari. “Mũhũ basi mũhũ cahĩno saha mũhũ caha ijiyequina gũhũre cahĩña”, nine ti dutiro. Ti dutirore yena Cohãcjũ dutiyere ye pehona ijina nine mũa. ¹⁰Mũa caha ijiriquireore cahĩna, tiquirore ñano yesi. Sa yena tiquirore cahĩna, Cohãcjũ dutiyere ye pehona nine mũa.

¹¹Sa yena carĩnequina yero saha ijieracãhña mũa. Quehnoano wacũ masiña. Jesure quehnoano wacũ cohteya. Jesu marine tiquiro toja ta, tiquiro neato mehenogã dũhsatjiãre. Tiquirore mari coã masi dũcana, “Yoari batopũ marine yũhdũoro tarota Jesu”, ni tuhotumi. Mari sa ni tuhotuepegũta yojopũre mehenogã dũhsare Jesu marine tiquiro yũhdũoro ahtato. Ahri yũhũ nidire masine mũa. ¹²Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihñana ñañene duhu pehocũhna mari. Sa yena Cohãcjũ cahmeñe pehere yeihna mari. Sa Cohãcjũ yere yena, ñañene duhu pehocũhna mari. ¹³Sa yena quehnoañe pehere yeihna. Sa yena bose decorire yena ñano yeracũhna. Sa yena queheracũhna. Sa yena wũana tina, apequina mehna ñano yena, cahme dũse tini wiana, ihña coona ijieracũhna. ¹⁴Sa yena mari pũhtoro Jesucristo tiquiro yedohoye mehna quehnoano ijia mũa. Sa yena ñañene mũa tutuaro cahmeñene yeracãhña.

Mũa acayere Jesu yequinare “Ñano yee nine”, ni yahu wajaeracãhña
(1 Co 8.1-13)

14 ¹Jesure wacũ tutuariquireo Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano masiedarĩgũ ihñana “Ne masiedare mũhũ”, ni cahme dũse tutueracãhña tiquiro mehna. ²“Ijipihtiyere ihya masiaja yũhũ”, ni tuhoture apequina. Sa ye apequina pehe Jesu yere quehnoano masiedarĩne, wahiquire ihyeraye, oteye dũca dihitarẽ ihyare. ³Ijipihtiyere ihyayequina pehe oteye dũcare ihyayequire ihña tuhtieracãhdo. Sa ye oteye dũca dihitarẽ ihyayequina pehe ijipihtiyere ihyayequire “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñañe wahiquire ihyeyequina pehe tiquinare yahu wajaeracãhdo. ⁴Jesure wacũ tutuayequina Cohãcjũ cahacjẽna ijire. Tiquina sa ijigũ ihñana mũa tiquinare yahu waja masiedare.

Jesure wacū tutuayequina Jesu cahmeno saha tiquina yeragū ihñano tiquiro dihita tire yahu masine. Tiquina quehnoano yegū gūhure tire yahu masine tiquiro tiquinare. Sa yero tiquiro pehe “Ñano yeri mūhū”, ni yahuatiquiro ijirota. Sa yero tiquiro cahacjēnare quehnoañene yeducu masigū yeriquiro ijire Cohācjū.

⁵Ihquēquina ihcā decore Cohācjūre tiquina ño peoati deco yere. Sa ye apeye decorire “Dahraye decori ijire”, ni tūhoture. Apequina pehe decoripe Cohācjūre ño peoducure. Tiquina ihcāno saha sa yerariquina ijiepetā ijiptiyequina ohō saha ni tūhotuahro: “Jesu tiquiro cahmeno sahata quehnoano yena niāja”, ni tūhotu masiahdo. ⁶Masūno ihcā deco tiquiro ño peoati deco yere Cohācjūre ño peoro taro. Sa yero decoripe ño peoducuriquiro Cohācjūre quehnoano ño peore tiquiro gūhū. Sa yero sijieriquiro gūhū ihyaro, Cohācjūre “Quehnoare”, ni sinine. Sa yero tiquiro gūhū ihyariquiro ijiro Cohācjūre ño peoriquiro ijire. Sa yero ihquē ihyayere sijiriquiro pehe tiquiro sijire Cohācjūre ño peoro taro. Sa yero tiquiro gūhū Cohācjūre “Quehnoare”, ni sinine.

⁷Mari cahmeñe dihitarē yena iji masiedaja mari. Cristo ijire mari pūhtoro. Sa yero mari catigū mari yariagū gūhure mari pūhtoro ijire. ⁸Yojopure mari catiro puno Cristo yere yeana ijiāja mari. Tiquiro yequina ijiāja. Mari yariari batopū gūhure tiquiro yequina ijinata. Sa yero mari catigū mari yariagū gūhure Cristo mari pūhtoro ijire. ⁹Sata ijire. Cristo yaria masa mūjahye, catiyequina, yariariquina gūhū tiquina pūhtoro ijiro taro.

¹⁰¿Dūhsena tana mūsa acayūrore Jesu yaquirore “Ñano yero nine”, ni yahu waja duajari mūsa? ¿Dūhsena tana mūsa acayūrore cūhta diho cū duajari mūsa? Mari ijiptihtina Cristo caha mari ducugū tiquiro pehe mari yerire masi pehorō, marine beserota quehnoana, ñana gūhure. Tiquiro sa beseatiquiro ijigū mūsa acayūrore “Ñariquiro ijire” ni yahu wajaeracāhña. ¹¹Cohācjū yere tiquina ojoari pūpū ohō saha ni ojoahye:

Ohō saha nidi mari pūhtoro: “Ahri potota ijire. Ijiptiyequina yūhū potō dūsepe curi mehna quehe saeta. Sa ye ijiptiyequina ‘Quehnoagū, tutuagū ijire’, ni, yūhure ño peoeta”, nidi mari pūhtoro, ni ojoahye.

¹²Sa yena ijiptihtina mari yerire Cohācjū siniturota. “¿Dūhse yena sa yeari?” ni siniturota. Tiquiro sa ni sinitugū yūhtiro cahmene marine.

Mūsa acayūrore ñano yegū yeracāhña mūsa

¹³Sa yena mari mehna cjēna gūhure “Ñañequina ijire”, ni yahu wajaeracāhña. Sa yena mari acayūrore Jesu yaquirore ñano yegū yeracāhña. ¹⁴Yūhū Jesucristo yaquiro ijiāja. Sa yegū ahri yūhū niatire quehnoano masiāja yūhū: Yūhū pehe ijiptiye ihyayere yūhū ihyagū yūhū ihyari buhiri, buhiri mariedare. Apequiro pehe “Ahri ihyayere ihyagū ñano yei niāja”, ni tūhoturiquiro pehe ihyaro, potota buhiri tiriquiro ijire. ¹⁵Ti potota ijire. Mūsa apee borore mūsa ihyagū mūsa acayūro mū sare ihña cū ihyaro, “Yohou, ñano yei niāja yūhū”, ni pajiro tūhotuboaga tiquiro. Tiquirore sa ihña cū ihyagū yena, tiquirore cahiedare mūsa. Apee borore mūsa ihyagū ihña cū ihyaboaga tiquiro. Sa ihyaro “Ñano yei

niaja”, ni tãhoturo Cristore duhuboaga. Mũsa acayũro ye buhirire yariari Cristo. Sa yena “Cristore duhuari”, nina tiqũirore ihña cũgũ yeracãhña. ¹⁶Sa ye “Ahri usã yeri quehnoarĩaga”, mũsa ni tãhotugũ apequina mũsare yahu wajaboaga. Tiquina sa yahu wajagũ ihñana, mũsa sa yerire ye nemoedacãhña, “Yahu waja nemoari” nina. ¹⁷Cohãcjũ pehe mari pũhtoro ijire. Tiquiro sa ijigũ mari ihyaye, mari sihniñe gũhũ sa iji cãno nine. Ihyo warota ijire. Sa ye mari pũhtoro tiqũiro dutiyere, quehnoañe gũhũre mari yegũ ti waro ijiro nine. Sa ye apequina mehna mari quehnoano ijigũ gũhũre quehnoañe waro ijiro nine. Sa ye Espĩritu Santo yedohoye mehna mari bucuegũ quehnoañe waro ijiro nine. ¹⁸Sata Cristo yere yeriqũirore ihñañe Cohãcjũ, masa gũhũ “Quehnoano yeri mũhũ”, nieta.

¹⁹Sata yeihna mari pũrita quehnoano mari ijiatire, mari basi mari cahme yedohoatire. Sa yena Jesure wacũ tutua nemonata. ²⁰Apequiro Jesu yaquiro tiqũiro ihya dutierarire mũsa ihyagũ ihñano tire coeraro, Cohãcjũ yere cohãboaga. Sa yena tire ihyeracãhña. Potota ijipihtiye ihyaye quehnoañe ihyayeta ijire. Sa ijiepegũta apee borore mari ihyagũ apequiro “Ñañe ihyaye ijiaaga ahri”, nidiqũiro ijieperota ihña cũ ihyaboaga. Sa ihyaro ñano yero niaga tiqũiro. Sa yena marine tiqũiro ihña cũ ihyagũ, mari gũhũ ñano yena niaja. ²¹Wahiquina dihire mũsa ihyagũ ihñano, vinore mũsa sihnigũ ihñano, apequiro Jesu yaquiro “Tire ihyagũ ñano yei niaga yũhũ”, ni tãhoturiqũiro ijieperota tiqũiro gũhũ ihña cũ, ihya sihniboaga. Sa ni tãhoturiqũiro pũrita ihya sihnino ñano yero nine. Sa yena tiqũiro ñano yerato saha Jesure tiqũiro wacũ tutua duhuerato saha wahiquina dihire, vino gũhũre mũsa pehe mũsa duhugũ quehnoarĩne. ²²“Ijipihtiyere ihya masiaja”, ni tãhotuna, tire Cohãcjũ dihitare yahuya. Ñañene yerariqũiro, “Quehnoano yei niaga yũhũ”, ni tãhoturiqũiro bucueriqũiro ijire. ²³Apequiro pehe “Ahri ihyayere ihyagũ ñano yei niaboaga yũhũ”, ni tãhoturiqũiro ijieperota ti ihyayere ihyaro, buhiri tiriqũiro ijire tiqũiro. “Ahrire ihyagũ potota quehnoañene yei niaja”, ni tãhotuerare tiqũiro. Sa ni tãhotueraro tire ihyaro, tiqũiro ihyari buhiri buhiri tire tiqũiro. “Quehnoañene yei niaja”, ni tãhotueraro tire yero, buhiri tire tiqũiro.

Mari caha ijiequinare quehnoano yeihna

15 ¹Mari Cohãcjũre quehnoano wacũ tutuana pehe wacũ tutuera cjũñequinare yedohouhna. Sa yena mari ye dihitare yeducueracũhna. ²Sa yena mari caha ijiequinare Jesu yequinare quehnoano yeihna tiquina quehnoano ijiatire, Cohãcjũre tiquina quehnoano wacũ tutua nemoatire. ³Cristo pehe tiqũiro ye dihitare yerahye. Sata nine Cohãcjũ yere tiquina ojoari pũpũ. Ohõ saha ni ojoahye: “Cristo ohõ saha nidi Cohãcjũre: ‘Mũhũ pehere ñano yahuducuboriquina yũhũ pehere ñano yahuducuri’, nidi Cristo Cohãcjũre”, ni ojoahye panopũre. (Sa tiquina ñano yahuducunohriqũiro ijiro Cristo tiqũiro Pacũro ye pehere ye basaro niahye.) ⁴Panopũ Cohãcjũ yere tiquina ojoari pũpũ tiquina ojoahye mari quehnoano buheatire. Sa yena ti pũre buhena bucueaja. Sa buhena mari ñano yũhdũna ihcãno sahanata.

⁵Cohãcjũ m̄sare tutuagũ yeriquiro bucuegũ yeriquiro m̄sare ijiphtinare ihcãno saha quehnoano ijigũ yeahro, Cristo cahmediro sahata. ⁶Sata yeahro tiquiro m̄sa ijiphtina ihcãno mehna Cohãcjũre mari puhtoro Jesucristo Pacurore “Quehnoagu, tutuagu ijire”, ni m̄sa ño peoatore.

Judio masa ijieyequinare quehnoañe buheyere yahu d̄cahye

⁷Cristo marine tiquiro yeriro sahata m̄sa mehna cj̄nare quehnoano cahme piti caya. M̄sa sa yegũ ihñañe “Potota Cohãcjũ quehnoariquiro ijire”, ni ihñaeta masa pehe. ⁸M̄sare ahrire niita niaja: Judio masare yedohoatiquiro ahtahye Cristo. Cohãcjũ tiquirore ohoro judio masa usã ñecusum̄ma m̄nap̄re panop̄u cj̄nare tiquiro ni yahuro sahata yero niahye. Tire tiquiro yerire masare masigũ yeatiquiro ahtahye Cristo. ⁹M̄sare Cristo tiquiro yedohogũ Cohãcjũ paja ihñano nine tiqinare. Tiquiro sa paja ihñagũ judio masa ijieyequina gũh̄u Cohãcjũre “Quehnoagu, tutuagu ijire”, ni, ño peore yojop̄re. Tiquina gũh̄ure tiquiro yequina ijigũ yero ahtahye Cristo. Cohãcjũ yere tiquina ojoari p̄p̄u sata ni ojoahye:

Cristo oh̄o saha niahye Cohãcjũre:

Judio masa ijieyequina caha m̄h̄ure “Cohãcjũ quehnoagu, tutuagu ijire”, ni ño peoutja. Sa yegu tiquina caha basagu m̄h̄ure basautja, niahye Cristo Cohãcjũre, ni ojoahye panop̄re.

¹⁰Sa yero oh̄o saha ni ojoahye tja:

Cohãcjũ tiquiro beseriquina judio masa mehna cahme bucueya m̄sa gũh̄u judio masa ijiena, ni ojoahye panop̄re.

¹¹Sa yero oh̄o saha ni ojoahye tja:

Judio masa ijieyequina ijiphtieyquina Cohãcjũre ño peohro. Sa ye ijiphtiro cj̄na tiquirore “Quehnoagu, tutuagu ijire”, ni ño peohro, ni ojoahye.

¹²Sa yero Isaia m̄nano gũh̄u oh̄o saha ni ojoahye:

Isaí panamino iji turiariquiro ahtarota. Sa ahtaros judio masa ijieyequina puhtoro ijirota tiquiro. Sa ye tiquina pehe tiquirore wacũ tutua, tiqinare pecap̄u wahaboriquinare tiquiro yuh̄duoatire masieta tiquina, ni ojoahye panop̄re.

¹³Cohãcjũ marine yuh̄duoro ahtatiquiro quehnoano m̄sare bucuegũ yeahro. Sa yero Jesure m̄sa wacũ tutuagũ m̄sare quehnoano ijigũ yeahro tiquiro. M̄sare tiquiro sa yegũ m̄sare tiquiro yuh̄duoatire Esp̄ritu Santo tutuaye mehna bucueye mehna masi nemonata m̄sa.

¹⁴Ahrire m̄sare yuh̄u yahuatire quehnoano masiaja. M̄sa pehe quehnoana ijire. Sa yena Jesu yere quehnoano masine. Sa masina m̄sa mehna cj̄nare cahme quehnoano yahu, buhe masine m̄sa. ¹⁵M̄sa sa masina m̄sa ijiepegũta ihquẽ tahari ahri p̄p̄re m̄sare cuero marieno quehnoano yahu peho ojoam̄ m̄sa wacũato saha. Cohãcjũ yuh̄ure cah̄ino m̄sare buhe dutiro c̄uri yuh̄ure. Sa yegu tiquiro c̄uriro sahata yegu tagu m̄sare wacũgũ yei. ¹⁶Yuh̄ure tiquiro sa c̄igũ Jesucristo cahãcjũ ijigu tiquiro yere quehnoañe buheyere judio masa ijieyequinare buheaja yuh̄u. Yuh̄u sa buhegũ t̄hoye judio masa ijieyequina Jesure wacũ

tutueta. Tiquina sa wacū tutuagū ihñano tiquinare Cohācjū “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohācjū yequina ijigū yerota tiquinare. Pahia ɥjūa m̄uo Cohācjüre tiquina ohoriro sahata, tiquinare ñañe marieñequinare Cohācjüre oho duaja.

¹⁷Sa yegu Jesucristore wacū tutuagū ijigū Cohācjū tiquiuro buhe duti cūrigū ijigū bucueye mehna buheaja musare. ¹⁸⁻¹⁹Apequina judio masa ijieyequinare Cristo yedohoye mehna tiquinare yuhū buhegū tuhoye, yuhū yerire ihñañe, Cohācjū tutuaye mehna ye ihñorire ihñañe, Espiritu Santo tiquiuro tutuaye mehna tiquina Cristore wacū tutuari. Ahri pūritare musare pototi yahu duaja. Apequinapū tiquina yerire yahueraja. Jerusalēpū coā yuhū buhe ducari bato ijipihitiye macaripū buhe ducan. Tee Ilirico yehpapū gūhure Cristo ye buheye quehnoañe buheyere buhei esan. ²⁰Sa yegu Cristo yere masieñequina dihitare quehnoañe buheyere tutuaro buhe duaa, yuhū mehna cjēna tiquina buhenohriquinapūre buhe dueragu. ²¹Sata ni ojoahye Cohācjū yere tiquina ojoari pūpū:

Panopū tiquiore ne tuhøerariquina tiquiore masieta. Sa ye tiquiore ne tuhøerariquina tiquiore yere quehnoano tuhøeta, ni ojoahye Cohācjū yere tiquina ojoari pūpū.

Pablo Romapū tiquiuro wahatire yahuahye

²²Sa yegu ijipihitiro cjēnare buherigū ijigū peye tahari m̄sa cahapū waha duepegūta waha masiedahti. ²³Yojopūre ahri yehparipūre yuhū dahraye pihitia wahari. Sa pihitigū ihñagū, peye cūhmari m̄sa cahapū waha duarigū ijigū m̄sa cahapū wahautja. ²⁴Sa ye Españaṙū wahagu musare topū ihña yuhdu cāutja. Sa yegu m̄sa mehna bucueitja. Sa yegu m̄sa mehna yuhū mehenogā ijiri bato yuhure m̄sa yedohoye mehna Españaṙū wahautja. ²⁵Yojopūre Jerusalēpū wahan tūn niaja. To cjēnare Jesu yequinare yuhū acayere niñerure sogū wahan tūn niaja. ²⁶Macedonia yehpa cjēna, Acaya yehpa cjēna gūhū quehnoano mehna Jesu yequinare Jerusalēpū ijieyequinare pejecuoyequinare niñerure ohori tiquinare yedohoye. Sa yegu tiquinare tire oho basagu wahan tūn niaja. ²⁷Ti niñerure ohoye, quehnoano mehna ohori tiquina. Tiquina sa yegū quehnoarīne, yuhū tuhøtugū. Tiquinare judio masa ijieyequinare judio masa pehe Cohācjū yere buhe m̄htari. Sa ye tiquinare tiquiuro yuhduoato gūhure buhe m̄htari judio masa. Tiquina sa buhegū ihñagū Macedonia cjēna, Acaya cjēna mehna tiquinare tiquina yedohogū quehnoarīne yuhure. Tiquinare tiquina buheri wapa yero saha ijire ti, yuhū tuhøtugū. ²⁸Sa yegu Jerusalē cjēnare ti niñerure oho tuhasagu Españaṙū wahautja. Topū wahagu musare ihña yuhdu cāutja. ²⁹Sa yegu m̄sa cahapū yuhū wahagū Cristo yere musare yuhū buhegū tiquiuro musare quehnoano jeripohna tigū yerota.

³⁰Yuhū acaye, mari pūhtoro Jesucristore wacū tutuare m̄sa. Sa yena Espiritu Santo tutuaye mehna apequinare cahīne m̄sa. Sa yena yuhū gūhure tutuaro sini basaya Cohācjüre. ³¹Ohō saha ni sini basaya: Judea yehpa cjēna Jesure ño peoyequina yuhure tiquina ñano ye duagū Cohācjū

yũhũre tiquiro yedohoato saha sini basaya. Sa yena Jerusalẽ cjẽnare niñerure yũhũ ohogũ tiquina tire bucueye mehna tiquina ñeheato saha sini basaya. ³²Mũsa sa sinigũ Cohãcjũ cahmegũ bucueye mehna mũsa cahapũ wahautja. Sa yegũ mũsa mehna ijigũ bucueye mehna soutja. ³³Cohãcjũ marine quehnoano ijigũ yeriquiro mũsa mehna ijiducuahro. Sata ijiahro.

Pablo quehnoa dutiahye

16 ¹Mari acayoro Febe wame tiricoro mũsa cahapũ waharo taro nine. Ticoro Cencrea wame tiri macapũ Jesu yequinare cahmecoañequinare yedohoricoro ijire. ²Sa yero peyequinare yedohoricoro yũhũ gũhũre yedohoricoro ijiri ticoro. Sa yero mari pũhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihñana ticorore ohoya mũsa.

³Aquila, tiquiro namono Priscila gũhũ quehnoahdo. Jesucristo yere yũhũ buhegũ tiquina gũhũ yũhũ mehna dahrari. ⁴Tiquinare mehenno wejẽmedi, apequina yũhũre tiquina wejẽ duagũ tiquina yedohori buhiri. Sa yegũ tiquina mehna bucueaja yũhũ. Sa ye judio masa ijieyequina Jesu yequina ijipihyequina tiquina gũhũ tiquina mehna bucuere. ⁵Sa ye Aquila ya wũhũpũ cahmecoañequina gũhũ Jesu yequina quehnoahdo. Yũhũ cahĩniquiro Epeneto gũhũ quehnoahdo. Tiquiro Asia yehpa cjũno topũ ijiro Cristore wacũ tutua mũhtariquiro ijiri. ⁶María gũhũ quehnoahdo. Ticoro mũsa mehna tutuaro dahrari. ⁷Yũhũ acaye Andronico, Junia gũhũ quehnoahdo. Peresupũ yũhũ ijigũ tiquinata yũhũre piti tiyequina ijiri. Sa ye yũhũ pano Cristore wacũ tutua mũhtari tiquina pehe. Apequina Jesu cĩriquina pehe tiquinare “Potota quehnoañequina ijire”, ni yahuducure.

⁸Amplia gũhũ yũhũ cahĩniquiro Jesu yaquiro ijire. Tiquiro quehnoahdo. ⁹Sa yero Urbano gũhũ quehnoahdo. Tiquiro gũhũ mari mehna Cristo yere dahrari. Sa yero yũhũ cahĩniquiro Estaqui quehnoahdo. ¹⁰Sa yero Apele gũhũ quehnoahdo. Tiquiro potota quehnoano Jesure wacũ tutuare. Tiquiro yerire ihñana tire masiaja mari. Sa ye Aristobulo ya wũhũ cjẽna ijipihyequina tiquiro namono tiquiro pohne gũhũ quehnoahdo. ¹¹Yũhũ acayũro Herodiõ quehnoahdo. Sa ye Narciso ya wũhũ cjẽna Jesu yequina quehnoa pihti cãhdo. ¹²Sa ye Trifena, Trifosa gũhũ quehnoahdo. Ti numia mari pũhtoro Jesu ye dahrayere tutuaro yere. Mari cahĩnicoro Pẽrsida gũhũ quehnoahdo. Ticoro mari pũhtoro yere tutuaro dahrari. ¹³Sa yero Rufo mari pũhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo. Tiquiro pacoro gũhũ quehnoahdo. Ticoro yũhũ paco yero saha ijiricoro ijire. ¹⁴Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhũ quehnoahdo. ¹⁵Sa ye Filologo, Julia, Nereo, tiquiro bahoro gũhũ, Olimpa, apequina tiquina mehna cjẽna gũhũ Jesu yequina quehnoahdo.

¹⁶Sa yena mũsa mehna cjẽnare piti cana, quehnoano mehna piti caya. Ijipihyequina Jesu yequina ijipihye cjẽna mũsare quehnoa dutire.

17 Yũhũ acaye, mũsa mehna cjẽna ihquẽquina mũsare cahme ihña tuhtigũ yeyequina, cahme tu wagũ yeyequina ijiñohti. Sa ye mũsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijiyequinare piti tieracãhña. 18 Sa yeyequina mari pũhoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano tuho coaro dero majare doco ni meho buhere quehnoano masieñequinare. Tiquina sa ni mehogũ tiquinare quehnoano tuhore. Sa yena tiquinare piti tieracãhña mũsa. 19 Mũsa pehe Jesure quehnoano yũhtina ijiñohti. Tire ijipihtiyequina masine. Sa quehnoano yũhtina mũsa ijigũ bucueaja yũhũ. Sa yegũ quehnoano mũsa yeatire mũsa masigũ cahmeaja yũhũ. Sa yegũ ne ñañene mũsa yeragũ gũhare cahmeaja yũhũ. 20 Sa yero Cohãcjũ marine quehnoano ijigũ yeriquiro mehenogã bato mũsare yedohorota “Satanare yũhdũducaahro”, nino. Mari pũhoro Jesucristo mehna mũsare quehnoa dutiaja.

21 Timoteo yũhũ piti mũsare quehnoa dutire. Yũhũ acaye judio masa gũhũ, Lucio, Jasõ, Sosipate mũsare quehnoa dutire.

22 Yũhũ Tercio ahri pũre Pablora oja basagũ ijaia. Yũhũ Jesu yaquiro ijigũ mũsare Jesu yequinare quehnoa dutiaja.

23 Gayo ya wũhũpũ ijigũ niaja yũhũ Pablo. Tiquiro ya wũhũpũ Jesu yequina cahmeoare. Tiquiro gũhũ mũsare quehnoa dutire. Sa yero Erasto ahri maca cjẽna pũhtoare niñeru ihbo coheriquiro mũsare quehnoa dutire. Mari acayũro Jesu yaquiro Cuarto gũhũ mũsare quehnoa dutire.

[24 Mari pũhoro Jesucristo mehna mũsare ijipihtinare quehnoa dutiaja.]

Pablo Cohãcjũre ño peoro oja bato tiahye

25-27 Mari pũhoro Jesucristo ye buheye mehna quehnoañe buheye mehna Cohãcjũ mũsare tiquiore wacũ tutua nemogũ ye masine. Panopũre quehnoañe buheye ne masare yahuerari buheye ijimahye. Yojobũre Cohãcjũ yere yahu mũhtariquina mũna tiquina ojoari mehna ti buheyere yahuri jire. Yũhũ gũhũ tire buheaja. Ti buheyere ijiphtiro cjẽna yojobũre masine. Cohãcjũ sa ijiducuriquiro tiquiro dutiro sahata tiquina masine. Ti buheyere tiquiota yahu dutiahye masa tiquiore tiquina yũhtiatire, tiquiore tiquina wacũ tutuati gũhare. Sa yena tiquiore “Potota quehnoagũ, tutuagũ ijire”, ni ño peouhna. Tiquiro ihcãquiota Cohãcjũ dihita quehnoano masi pehoriquiro ijire. Jesucristo yedohoye mehna Cohãcjũre sa ño peoducuuhna mari. Sata ijiducuuhna.